

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

कृष्ण यजुर्वेदीय तैत्तिरीय संहिता पद पाठः (वाक्य सहित)

तृतीयकाण्डे द्वितीयः प्रश्नः

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in

This is now the current Version 2.0 dated June 30, 2024.

1. This replaces the earlier version 1.1 dated Sep 30, 2022.
2. This version has been updated with the errors found and reported till June 15, 2024.
3. Required convention, style and presentation improvements or standardisations has been done wherever applicable.
4. In this Compilation the Samita Vaakyams have been suitably aligned, synchronised and refurbished in line with “Pada Paatam”.

Earlier Versions

1st	Version Number	0.0 dated 31st January 2019
2nd	Version Number	0.0 dated 31st July 2019
3rd	Version Number	1.0 dated 31st Oct 2020
4th	Version Number	1.1 dated 30th Sep 2022

Table of Contents

3 कृष्ण यजुर्वेदीय तैत्तिरीय संहितायं पद पाठे तृतीयं काण्डं	4
--	---

3.2 तृतीयकाण्डे द्वितीयः प्रश्नः – पवमानग्राहादीनां व्याख्यानं	4
---	---

पद पाठे (वाक्य सहित) – तृतीयकाण्डे – द्वितीयः प्रश्नः

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

3 कृष्ण यजुर्वेदीय तैत्तिरीय संहितायं

पद पाठे तृतीयं काण्डं

3.2 तृतीयकाण्डे द्वितीयः प्रश्नः – पवमानग्रहादीनां व्याख्यानं

TS 3.2.1.1

यो वै पवमानाना-मन्वारोहान्. विद्वान्. यजतेऽनु पवमानाना रोहति
न पवमानेभ्यो-ऽव छिद्यते श्येनोऽसि गायत्रछन्दा अनु त्वाऽऽ रभे
स्वस्ति मा सं पारय सुपर्णोऽसि त्रिष्टुप्छन्दा अनु त्वाऽऽ रभे स्वस्ति
मा सं पारय सघाऽसि जगतीछन्दा अनु त्वाऽऽ रभे स्वस्ति मा
सं पारयेत्याहैते- [] 1

TS 3.2.1.1 - Padam

यः । वै । पवमानानाम् । अन्वारोहानित्यनु – आरोहान् । विद्वान् ।
यजते । अन्विति । पवमानान् । एति । रोहति । न । पवमानेभ्यः ।
अवेति । छिद्यते । श्येनः । असि । गायत्रछन्दा इति गायत्र-छन्दाः ।

अ॒न्वि॒ति॒ । त्वा॒ । ए॒ति॒ । र॒भे॒ । स्व॒स्ति॒ । मा॒ । स॒मि॒ति॒ । पा॒रय॒ ।
सु॒पर्ण॑ इति॒ सु॒ – पर्णः॑ । अ॒सि॒ । त्रि॒ष्टु॒च्छ॒न्दा॒ इति॒ त्रि॒ष्टुप् – छ॒न्दाः॑ ।
अ॒न्वि॒ति॒ । त्वा॒ । ए॒ति॒ । र॒भे॒ । स्व॒स्ति॒ । मा॒ । स॒मि॒ति॒ । पा॒रय॒ ।
स॒घा॑ ॥ अ॒सि॒ । ज॒गती॑छ॒न्दा॒ इति॒ ज॒गती॑ – छ॒न्दाः॑ । अ॒न्वि॒ति॒ ।
त्वा॒ । ए॒ति॒ । र॒भे॒ । स्व॒स्ति॒ । मा॒ । स॒मि॒ति॒ । पा॒रय॒ । इति॑ ।

आ॒ह॒ । ए॒ते॒ । १ (५०)

TS 3.2.1.2

वै॒ प॒व॒मा॒ना॒ना-म॒न्वा॒रो॒हा॒स्ता॒न् । य॒ ए॒वं वि॒द्वान् । य॒ज॒तेऽनु॑ प॒व॒मा॒ना॒ना
रो॒ह॒ति॒ न प॒व॒मा॒नेभ्यो॑ ऽव॒च्छि॒द्य॒ते यो॒ वै प॒व॒मा॒नस्य॑ स॒न्त॒तिं
वे॒द॒ सर्व॑मा॒यु॒रेति॒ न पु॒रा ऽऽयु॑षः प्र मी॒य॒ते प॒शु॒मा॒न् भ॒व॒ति वि॒न्द॒ते॑
प्र॒जां प॒व॒मा॒नस्य॑ ग्र॒हा गृ॒ह्य॒न्तेऽथ॑ वा अ॒स्यै॒तेऽगृ॑ही॒ता द्रो॒णक॒ल॒श
आ॒ध॒व॒नी॒यः पू॒त॒भृ॒त् ता॒न् । यद॑गृही॒त्वोपा॑कुर्यात् प॒व॒मा॒नं वि॒ – [] २

TS 3.2.1.2 - Padam

वै । प॒व॒मा॒ना॒नाम् । अ॒न्वा॒रो॒हा॒ इत्य॑नु – आ॒रो॒हाः । ता॒न् । यः ।
ए॒वम् । वि॒द्वान् । य॒ज॒ते । अ॒न्वि॒ति॒ । प॒व॒मा॒नान् । ए॒ति॒ । रो॒ह॒ति॒ ।

न । पवमानेभ्यः । अवेति । छिद्यते । यः । वै । पवमानस्य ।
सन्ततिमिति सं – ततिम् । वेद । सर्वम् । आयुः । एति । न । पुरा ।
आयुषः । प्रेति । मीयते । पशुमानिति पशु-मान् । भवति । विन्दते ।
प्रजामिति प्र – जाम् । पवमानस्य । ग्रहाः । गृह्यन्ते । अथ । वै ।
अस्य । एते । अगृहीताः । द्रोणकलश इति द्रोण – कलशः ।
आधवनीय इत्या – धवनीयः । पूतभृदिति पूत-भृत् । तान् । यत् ।
अगृहीत्वा । उपाकुर्यादित्युप – आकुर्यात् । पवमानम् ।

वीति । 2 (50)

TS 3.2.1.3

च्छिन्धात् तं विच्छिद्यमान-मद्ध्वर्योः प्राणोऽनु वि च्छिद्ये-
तोपयामगृहीतोऽसि प्रजापतये त्वेति द्रोणकलशमभि मृशेदिन्द्राय
त्वेत्याधवनीयं विश्वेभ्यस्त्वा देवेभ्य इति पूतभृतं पवमानमेव तथ्
सं तनोति सर्वमायुरेति न पुरा ऽऽयुषः प्रमीयते पशुमान् भवति
विन्दते प्रजां ॥ 3

TS 3.2.1.3 - Padam

छि॒न्धा॒त् । तम् । वि॒च्छि॒द्य॒मा॒न॒मि॒ति॒ वि – छि॒द्य॒मा॒न॒म् । अ॒ध्व॒र्योः ।
प्रा॒ण इति॑ प्र – अ॒नः । अनु॑ । वी॒ति॒ । छि॒द्येत॑ । उ॒प॒या॒म॒गृ॒ही॒त
इत्यु॑प॒या॒म – गृ॒ही॒तः । अ॒सि॒ । प्र॒जा॒प॒त॒य इति॑ प्र॒जा – प॒त॒ये । त्वा ।
इति॑ । द्रो॒ण॒क॒ल॒श॒मि॒ति॒ द्रो॒ण – क॒ल॒श॒म् । अ॒भी॒ति॒ । मृ॒शे॒त् ।
इन्द्रा॑य । त्वा । इति॑ । आ॒ध॒व॒नी॒य॒मि॒त्या – ध॒व॒नी॒य॒म् । वि॒श्वे॑भ्यः ।
त्वा । दे॒वे॒भ्यः । इति॑ । पू॒त॒भृ॒त॒मि॒ति॒ पू॒त – भृ॒त॒म् । प॒व॒मा॒न॒म् । ए॒व ।
तत् । स॒मि॒ति॒ । त॒नो॒ति॒ । स॒र्व॒म् । आ॒युः । ए॒ति॒ । न । पु॒रा ।
आ॒यु॒षः । प्रे॒ति॒ । मी॒य॒ते । प॒शु॒मा॒नि॒ति॒ प॒शु – मा॒न् । भ॒व॒ति॒ ।
वि॒न्द॒ते॒ । प्र॒जा॒मि॒ति॒ प्र – जा॒म् ॥ 3 (42)

(ए॒ते – वि – द्वि॒च॒त्वा॒रि॒श॒च्च) (A1)

TS 3.2.2.1

त्री॒णि वा॒व स॒व॒ना॒न्य॒थ तृ॒ती॒य॒श्च॑ स॒व॒न॒-म॒व॒-लु॒म्प॒न्त्य॒न॒श्च॑ कु॒र्व॒न्त
उ॒पा॒श्च॑-हृ॒त्वो-पा॒श्च॑पा॒त्रे ऽ॒श्म॒वा॒स्य॒ तन्तृ॒ती॒य॒स॒व॒ने ऽपि॒सृ॒ज्या॒भि
षु॒णु॒या॒द् यदा॑प्या॒य॒य॒ति ते॒ना॒श्म॒द् यद॑भि॒षु॒णो॒ति ते॒न॒र्जी॒षि॒ सर्वा॑ण्ये॒व

तथ् स॒वनान्य॑ञ्शु॒मन्ति॑ शु॒क्रव॑न्ति स॒माव॑द्दी॒र्याणि॑ क॒रोति॑ द्वौ स॒मुद्रौ॑
वि॒त॒ता॒व॒जू॒र्यौ॑ प॒र्या॒व॒र्ते॒ते ज॒ठरे॑व पा॒दाः॑ ।

तयोः पश्यन्तो अति यन्त्यन्य-मपश्यन्तः – [] 4

TS 3.2.2.1 - Padam

त्री॒णि । वा॒व । स॒वनानि॑ । अथ॑ । तृ॒तीयम्॑ । स॒वनम्॑ । अ॒वेति॑ ।
लु॒प॒न्ति॑ । अ॒नञ्शु॑ । कु॒र्वन्तः॑ । उ॒पाञ्शु॑मित्यु॒प – अ॒ञ्शुम्॑ ।
हु॒त्वा । उ॒पाञ्शु॑पा॒त्र इत्यु॑पाञ्शु – पा॒त्रे । अ॒ञ्शुम्॑ ।
अ॒वा॒स्ये॒त्यव॑ – अ॒स्य । तम् । तृ॒तीय॑स॒वन इति॑ तृतीय – स॒वने॑ ।
अ॒पि॒सृ॒ज्ये॒त्यपि॑ – सृ॒ज्य । अ॒भीति॑ । सु॒नु॒यात् । यत् ।
आ॒प्या॒य॒यती॑त्या – प्या॒य॒यति॑ । तेन॑ । अ॒ञ्शु॑म॒दित्य॑ञ्शु-मत् । यत् ।
अ॒भि॒षु॒णोती॑त्य॒भि-सु॑नोति । तेन॑ । ऋ॒जी॒षि । स॒र्वाणि॑ । ए॒व । तत् ।
स॒वनानि॑ । अ॒ञ्शु॑म॒न्तीत्य॑ञ्शु – म॒न्ति । शु॒क्र॒व॒न्तीति॑
शु॒क्र – व॒न्ति॑ । स॒मा॒व॒द्दी॒र्या॒णीति॑ स॒मा॒वत् – वी॒र्या॒णि । क॒रोति॑ ।
द्वौ । स॒मुद्रौ॑ । वि॒त॒ता॒वि॒ति वि॑ – त॒तौ । अ॒जू॒र्यौ॑ ।

पर्यावर्ते॑ते इति॑ परि-आवर्ते॑ते । ज॒ठरा॑ । इ॒व । पा॒दाः ॥ तयोः॑ ।

पश्य॑न्तः । अती॑ति । य॒न्ति । अ॒न्यम् । अ॒पश्य॑न्तः । 4 (50)

TS 3.2.2.2

से॒तुना॑ऽति॑ य॒न्त्यन्यं॑ ॥

द्वे द्र॑ध॒सी स॒तती॑ व॒स्त एकः॑ के॒शी वि॒श्वा भु॒वनानि॑ वि॒द्वान् ।

ति॒रो॒धा॒यै॒त्यसि॑तं व॒सानः॑ शु॒क्रमा॑ द॒त्ते अ॒नुहा॑य जा॒र्यै ॥

दे॒वा वै यद्-य॒ज्ञेऽकु॑र्व॒त तद॑सु॒रा अकु॑र्व॒त ते दे॒वा ए॒तं

महा॑य॒ज्ञम॒पश्य॑न् त॒म॒तन्व॑ताग्नि॒होत्रं॑ व्र॒तम॑कुर्व॒त तस्मा॑द् द्वि॒व्रतः॑

स्या॑द् द्वि॒र्ह्यग्नि॑हो॒त्रं जु॒ह्वति॑ पौ॒र्णमा॑सं य॒ज्ञम॑ग्नी॒षोमी॑यं – [] 5

TS 3.2.2.2 - Padam

से॒तुना॑ । अती॑ति । य॒न्ति । अ॒न्यम् ॥ द्वे इति॑ । द्र॑ध॒सी इति॑ ।

स॒तती॑ इति॑ स – तती॑ । व॒स्ते । एकः॑ । के॒शी । वि॒श्वा । भु॒वनानि॑ ।

वि॒द्वान् ॥ ति॒रो॒धा॒येति॑ ति॒रः – धा॑य । ए॒ति । अ॒सि॒तम् । व॒सानः॑ ।

शु॒क्रम् । ए॒ति । द॒त्ते । अ॒नुहा॑येत्य॒नु – हा॑य । जा॒र्यै ॥ दे॒वाः ।

वै । यत् । य॒ज्ञे । अकु॑र्व॒त । तत् । अ॒सु॒राः । अकु॑र्व॒त । ते । दे॒वाः ।

ए॒तम् । म॒हा॒य॒ज्ञ॒मि॒ति॒ म॒हा – य॒ज्ञम् । अ॒प॒श्य॒न् । तम् । अ॒त॒न्व॒त ।

अ॒ग्नि॒हो॒त्र॒मि॒त्य॒ग्नि – हो॒त्रम् । व्र॒तम् । अ॒कुर्व॒त । तस्मा॑त् ।

द्वि॒व्र॒त इति॑ द्वि – व्र॒तः । स्या॒त् । द्विः । हि ।

अ॒ग्नि॒हो॒त्र॒मि॒त्य॒ग्नि – हो॒त्रम् । जु॒ह्व॒ति ।

पौ॒र्ण॒मा॒स॒मि॒ति॒ पौ॒र्ण – मा॒सम् । य॒ज्ञम् ।

अ॒ग्नी॒षो॒मी॒य॒मि॒त्य॒ग्नी – सो॒मी॒यम् । 5 (50)

TS 3.2.2.3

प॒शु॒म॒कुर्व॑त दा॒श्यं य॒ज्ञ॒मा॒ग्ने॒यं प॒शु॒म॒कुर्व॑त वै॒श्व॒दे॒वं प्रा॑त॒स्स॒व॒न–
म॒कुर्व॑त वरु॒ण॒प्र॒धा॒सान् मा॒द्ध्य॒न्दि॒नं स॒व॒नं सा॒क॒मे॒धा॒न् पि॒तृ॒य॒ज्ञं
त्र्य॒म्ब॒का–स्तृ॒तीय॒स॒व॒न–म॒कुर्व॑त तमे॒षा॒म॒सु॒रा य॒ज्ञ॒म॒न्व॒वा॒जि॒गांस॑न्
तं ना॒न्व॒वा॒य॒न् तेऽब्रु॑वन् न॒र्द्ध॒व॒र्त॒व्या वा इ॒मे दे॒वा अ॒भू॒व॒न्नि॒ति
तद॒ध्व॒र॒स्याऽध्व॒र॒त्वं ततो॑ दे॒वा अ॒भ॒व॒न् प॒राऽसु॒रा य ए॒वं वि॒द्वान्
सो॒मे॒न य॒ज॒ते भ॒व॒त्या॒त्म॒ना प॒रा () ऽस्य॑ भ्रा॒तृ॒व्यो भ॒व॒ति ॥ 6

TS 3.2.2.3 - Padam

प॒शुम् । अ॒कुर्व॑त । दा॒र्यम् । य॒ज्ञम् । आ॒ग्ने॒यम् । प॒शुम् ।
अ॒कुर्व॑त । वै॒श्वदे॑वमि॒ति वै॒श्व – दे॒वम् । प्रा॒तस्स॒वनमि॑ति
प्रा॒तः – स॒वनम् । अ॒कुर्व॑त । व॒रुण॑प्र॒घासा॑निति व॒रुण – प्र॒घासा॑न् ।
मा॒द्ध्य॑न्दि॒नम् । स॒वनम् । सा॒कमे॑धा॒निति॑ सा॒क – मे॒धान् ।
पि॒तृय॑ज्ञमि॒ति पि॒तृ – य॒ज्ञं । त्र्य॑म्ब॒कानि॑ति त्रि – अ॒म्बका॑न् ।
तृ॒ती॒यस॒वनमि॑ति तृ॒ती॒य – स॒वनम् । अ॒कुर्व॑त । तम् । ए॒षाम् ।
अ॒सुराः । य॒ज्ञम् । अ॒न्ववा॑जिगा॒ऽस॒न्नित्य॑नु-अ॒वाजिगा॑ऽस॒न् । तम् ।
न । अ॒न्ववा॑य॒न्नित्य॑नु-अ॒वाय॑न् । ते । अ॒ब्रु॒वन् । अ॒ध्व॒र्त॒व्याः । वै ।
इ॒मे । दे॒वाः । अ॒भू॒वन् । इति॑ । तत् । अ॒ध्व॒र॒स्य ।
अ॒ध्व॒र॒त्वमि॑त्य॒ध्व॒र – त्वम् । ततः॑ । दे॒वाः । अ॒भ॒वन् । पे॒रेति॑ ।
अ॒सुराः । यः । ए॒वम् । वि॒द्वान् । सो॒मेन॑ । य॒ज॒ते । भ॒वति॑ ।
आ॒त्म॒ना ॥ पे॒रेति॑ () । अ॒स्य । भ्रा॑तृ॒व्यः । भ॒वति॑ ॥ 6 (53)
(अ॒प॒श्य॑न्तो – ऽग्नी॒षो॒मीय॑ – मा॒त्म॒ना पे॒रा – त्री॑णि॒ च) (A2)

TS 3.2.3.1

परि॒भूर॑ग्निं परि॒भूरिन्द्रं॑ परि॒भूर्विश्वा॑न् दे॒वान् परि॒भूर्मा॑ सह
ब्र॒ह्मव॑र्च॒सेन॑ स नः पव॒स्व शं ग॒वे शं ज॑नाय शम॒र्वते॑ शम्
राज॒न्नोष॑धी॒भ्यो ऽच्छि॑न्नस्य ते रयि॒पते॑ सु॒वीर्य॑स्य रा॒यस्पोष॑स्य
द॒दितारः॑ स्याम ।

तस्य॑ मे रा॒स्व तस्य॑ ते भक्षी॒य तस्य॑ त इ॒दमु॑न्मृजे ॥
प्रा॒णाय॑ मे वर्चो॒दा वर्च॑से पव॒स्वापा॑नाय व्या॒नाय॑ वा॒चे – [] 7

TS 3.2.3.1 - Padam

परि॒भूरि॑ति परि – भूः । अ॒ग्निम् । परि॒भूरि॑ति परि – भूः । इन्द्र॑म् ।
परि॒भूरि॑ति परि – भूः । वि॒श्वा॑न् । दे॒वान् । परि॒भूरि॑ति परि – भूः ।
मा॒म् । सह॑ । ब्र॒ह्मव॑र्च॒सेने॑ति ब्रह्म – वर्च॒सेन॑ । सः । नः । पव॒स्व ।
शम् । ग॒वे । शम् । ज॑नाय । शम् । अ॒र्वते॑ । शम् । रा॒ज॒न् ।
ओष॑धी॒भ्य इ॒त्योष॑धि – भ्यः । अ॒च्छि॑न्नस्य । ते । रयि॒पत॑ इति
रयि – प॒ते । सु॒वीर्य॑स्येति सु – वीर्य॑स्य । रा॒यः । पोष॑स्य ।
द॒दितारः॑ । स्या॒म ॥ तस्य॑ । मे । रा॒स्व । तस्य॑ । ते । भक्षी॒य ।
तस्य॑ । ते । इ॒दम् । उ॒दिति॑ । मृ॒जे ॥ प्रा॒णाय॑ति प्र – अ॒नाय॑ । मे ।

व॒र्चो॒दा इति॑ व॒र्चः – दाः । व॒र्च॒से । प॒व॒स्व ।

अ॒पा॒ना॒येत्य॑प – अ॒नाय॑ । व्या॒ना॒येति॑ वि – अ॒नाय॑ । वा॒चे । 7 (50)

TS 3.2.3.2

दक्ष॑क्र॒तु॒भ्यां चक्षु॑भ्यां मे व॒र्चो॒दौ व॒र्च॒से प॒वे॒था॒ꣳ श्रो॑त्रा॒याऽऽत्म॑ने
ऽङ्गे॑भ्य॒ आयु॑षे वी॒र्या॑य वि॒ष्णो॒रिन्द्र॑स्य वि॒श्वे॑षां दे॒वानां॑ ज॒ठर॑म॒सि
व॒र्चो॒दा मे व॒र्च॒से प॒व॒स्व को॑ऽसि॒ को नाम॑ क॒स्मै त्वा॒ काय॑ त्वा
यं त्वा सोमे॑नाती॒तृपं॑ यं त्वा सोमे॑नामी॒मद॑ꣳ सु॒प्र॒जाः प्र॒जया॑
भूया॑सꣳ सु॒वीरो॑ वी॒रैः सु॒वर्चा॑ व॒र्च॒सा सु॒पोषः॑ पोषै॒र् वि॒श्वे॑भ्यो
मे रू॒पेभ्यो॑ व॒र्चो॒दा– [] 8

TS 3.2.3.2 - Padam

दक्ष॑क्र॒तु॒भ्यामि॑ति दक्ष॑क्र॒तु – भ्या॒म् । चक्षु॑भ्यामि॒ति चक्षुः॑ – भ्या॒म् ।
मे । व॒र्चो॒दावि॑ति व॒र्चः–दौ । व॒र्च॒से । प॒वे॒थाम् । श्रो॑त्रा॒य । आ॒त्म॒नै ।
अ॒ङ्गे॑भ्यः । आयु॑षे । वी॒र्या॑य । वि॒ष्णोः॑ । इन्द्र॑स्य । वि॒श्वे॑षाम् ।
दे॒वाना॑म् । ज॒ठर॑म् । अ॒सि । व॒र्चो॒दा इति॑ व॒र्चः–दाः । मे । व॒र्च॒से ।
प॒व॒स्व । कः । अ॒सि । कः । नाम॑ । क॒स्मै । त्वा॒ । काय॑ । त्वा॒ ।

यम् । त्वा । सोमेन । अतीतृपम् । यम् । त्वा । सोमेन । अमीमदम् ।
सुप्रजा इति सु – प्रजाः । प्रजयेति प्र – जया । भूयासम् ।
सुवीर इति सु – वीरः । वीरैः । सुवर्चा इति सु – वर्चाः ।
वर्चसा । सुपोष इति सु – पोषः । पोषैः । विश्वेभ्यः । मे ।
रूपेभ्यः । वर्चोदा इति वर्चः – दाः । 8 (50)

TS 3.2.3.3

वर्चसे पवस्व तस्य मे रास्व तस्य ते भक्षीय तस्य त इदमुन्मृजे ॥
बुभूषन्नवेक्षेतैष वै पात्रियः प्रजापतिर्यज्ञः प्रजापतिस्तमेव तर्पयति
स एनं तृप्तो भूत्याऽभि पवते ब्रह्मवर्चसकामोऽवेक्षेतैष
वै पात्रियः प्रजापतिर्यज्ञः प्रजापतिस्तमेव तर्पयति स एनं तृप्तो
ब्रह्मवर्चसेनाभि पवत आमयाव्य – [] 9

TS 3.2.3.3 - Padam

वर्चसे । पवस्व । तस्य । मे । रास्व । तस्य । ते । भक्षीय । तस्य ।
ते । इदम् । उदिति । मृजे ॥ बुभूषन् । अवेति । ईक्षेत । एषः । वै ।
पात्रियः । प्रजापतिरिति प्रजा – पतिः । यज्ञः । प्रजापतिरिति
प्रजा – पतिः । तम् । एव । तर्पयति । सः । एनम् । तृप्तः । भूत्या ।

अ॒भी॒ति॒ । प॒व॒ते॒ । ब्र॒ह्म॒व॒र्च॒स॒का॒म॒ इति॑ ब्र॒ह्म॒व॒र्च॒स॒-का॒मः॒ । अ॒वे॒ति॒ ।
ई॒क्षे॒त॒ । ए॒षः॒ । वै॒ । पा॒त्रि॒यः॒ । प्र॒जा॒प॒ति॒रि॒ति॒ प्र॒जा - प॒तिः॒ । य॒ज्ञः॒ ।
प्र॒जा॒प॒ति॒रि॒ति॒ प्र॒जा - प॒तिः॒ । त॒म् । ए॒व । त॒र्प॒य॒ति॒ । सः॒ । ए॒न॒म् ।
तृ॒प्तः॒ । ब्र॒ह्म॒व॒र्च॒से॒ने॒ति॒ ब्र॒ह्म - व॒र्च॒से॒न॒ । अ॒भी॒ति॒ । प॒व॒ते॒ ।

आ॒म॒या॒वी॒ । 9 (50)

TS 3.2.3.4

वे॒क्षे॒तै॒ष वै॒ पा॒त्रि॒यः॒ प्र॒जा॒प॒ति॒र्य॒ज्ञः॒ प्र॒जा॒प॒ति॒स्त॒मे॒व त॒र्प॒य॒ति॒ स ए॒नं॑
तृ॒प्त आ॒यु॒षा॒ऽभि॒ प॒व॒ते॒ऽभि॒च॒र॒न्न॒वे॒क्षे॒तै॒ष वै॒ पा॒त्रि॒यः॒ प्र॒जा॒प॒ति॒र्य॒ज्ञः॒
प्र॒जा॒प॒ति॒स्त॒मे॒व त॒र्प॒य॒ति॒ स ए॒नं॑ तृ॒प्तः॒ प्रा॒णा॒पा॒ना॒भ्यां॑ वा॒चो
दक्ष॑क्र॒तु॒भ्यां॑ चक्षु॒भ्यां॑ श्रो॒त्रा॒भ्या॑-मा॒त्म॒नो॒ऽङ्गे॒भ्य
आ॒यु॒षो॒ऽन्त॒रे॒ति॒ ता॒जक् प्र॑ ध॒न्व॒ति॒ ॥ 10

TS 3.2.3.4 - Padam

अ॒वे॒ति॒ । ई॒क्षे॒त॒ । ए॒षः॒ । वै॒ । पा॒त्रि॒यः॒ । प्र॒जा॒प॒ति॒रि॒ति॒ प्र॒जा-प॒तिः॒ ।
य॒ज्ञः॒ । प्र॒जा॒प॒ति॒रि॒ति॒ प्र॒जा - प॒तिः॒ । त॒म् । ए॒व । त॒र्प॒य॒ति॒ । सः॒ ।
ए॒न॒म् । तृ॒प्तः॒ । आ॒यु॒षा॒ । अ॒भी॒ति॒ । प॒व॒ते॒ ।

अ॒भि॒च॒र॒न्नि॒त्य॒भि॒ – च॒र॒न् । अ॒वे॒ति॒ । ई॒क्षे॒त॒ । ए॒षः॒ । वै॒ । पा॒त्रि॒यः॒ ।
 प्र॒जा॒प॒ति॒रि॒ति॒ प्र॒जा – प॒तिः॒ । य॒ज्ञः॒ । प्र॒जा॒प॒ति॒रि॒ति॒ प्र॒जा – प॒तिः॒ ।
 तम् । ए॒व । त॒र्प॒य॒ति॒ । सः॒ । ए॒न॒म् । तृ॒प्तः॒ । प्रा॒णा॒पा॒ना॒भ्या॒मि॒ति॒
 प्रा॒ण – अ॒पा॒ना॒भ्या॒म् । वा॒चः॒ । द॒क्ष॒क्र॒तु॒भ्या॒मि॒ति॒ द॒क्ष॒क्र॒तु – भ्या॒म् ।
 चक्षु॑भ्या॒मि॒ति॒ चक्षुः॑ – भ्या॒म् । श्रो॒त्रा॒भ्या॒म् । आ॒त्म॒नः॑ । अ॒ङ्गे॒भ्यः॑ ।
 आ॒यु॒षः॑ । अ॒न्तः॑ । ए॒ति॒ । ता॒ज॒क् । प्रे॒ति॒ । ध॒न्व॒ति॒ ॥ 10 (45)

(वा॒चे-रू॒पे॒भ्यो॑ व॒र्चो॑दा – आ॒म॒या॒वी – प॒ञ्च॒च॒त्वा॒रि॒ञ्श॒च्च) (A3)

TS 3.2.4.1

स्फ॒यः॑ स्व॒स्ति॒र्वि॒घ॒नः॑ स्व॒स्तिः॑ पर्॒शु॒र्वे॒दिः॑ पर्॒शु॒र्नः॑ स्व॒स्तिः॑ ।
 य॒ज्ञि॒या य॒ज्ञ॒कृ॒तः॑ स्थ॒ ते मा॒ऽस्मि॒न् । य॒ज्ञ उप॑ ह॒य॒ध्व॒मुप॑ मा
 द्या॒वापृ॑थि॒वी ह॒ये॒ता॒मुपा॑ऽऽस्ता॒वः॑ क॒ल॒शः॑ सो॒मो अ॒ग्निरु॑प॒ दे॒वा
 उप॑ य॒ज्ञ उप॑ मा हो॒त्रा उप॑ह॒वे ह॒य॒न्तां॑ न॒मोऽग्न॑ये म॒ख॒घ्ने॒म॒ख॒स्य॑ मा
 य॒शोऽर्या॑दि॒त्याह॒वनी॑य॒मुप॑ तिष्ठ॒ते य॒ज्ञो वै म॒खो – [] 11

TS 3.2.4.1 - Padam

स्फ॒यः॑ । स्व॒स्तिः॑ । वि॒घ॒न इति॑ वि – घ॒नः॑ । स्व॒स्तिः॑ । पर्॒शुः॑ ।
 वे॒दिः॑ । पर्॒शुः॑ । नः॑ । स्व॒स्तिः॑ ॥ य॒ज्ञि॒याः॑ । य॒ज्ञ॒कृ॒त इति॑

य॒ज्ञ-कृतः । स्थ । ते । मा । अ॒स्मिन् । य॒ज्ञे । उपेति । ह॒य॒ध्वम् ।
उपेति । मा । द्या॒वापृ॒थि॒वी इति द्या॒वा-पृ॒थि॒वी । ह॒येता॒म् । उपेति ।
आ॒स्ता॒व इत्या॑ – स्ता॒वः । क॒ल॒शः । सोमः । अ॒ग्निः । उपेति ।
दे॒वाः । उपेति । य॒ज्ञः । उपेति । मा । हो॒त्राः । उ॒प॒ह॒व इत्यु॒प-ह॒वे ।
ह॒य॒न्ता॒म् । नमः । अ॒ग्नये॑ । म॒ख॒घ्न इति म॒ख-घ्ने । म॒ख॒स्य । मा ।
य॒शः । अ॒र्यात् । इति । आ॒ह॒वनी॒य॒मित्या॑ – ह॒वनी॒यम् । उपेति ।

तिष्ठ॑ते । य॒ज्ञः । वै । म॒खः । 11 (50)

TS 3.2.4.2

य॒ज्ञं वा॒व स तद॒हन् तस्मा॑ ए॒व न॒म॒स्कृत्य॑ स॒दः प्र॒स॒र्प॒त्या॒त्म॒नोऽना॑र्त्ये
नमो॑ रु॒द्राय॑ म॒ख॒घ्ने न॒म॒स्कृत्या॑ मा पा॒ही॒त्या॒ग्नी॒ध्रं तस्मा॑ ए॒व
न॒म॒स्कृत्य॑ स॒दः प्र॒स॒र्प॒त्या॒त्म॒नोऽना॑र्त्ये नम॑ इन्द्राय॑ म॒ख॒घ्न इन्द्रि॑यं
मे वी॒र्यं॑ मा निर्व॑धीरिति हो॒त्री॒य-मा॒शिष॑मे॒वैता॒मा शा॑स्त इन्द्रि॑यस्य
वी॒र्य॑स्यानिर्घा॒ताय॑ या वै – [] 12

TS 3.2.4.2 - Padam

य॒ज्ञम् । वा॒व । सः । तत् । अ॒हन् । तस्मै॑ । ए॒व । न॒म॒स्कृ॒त्येति॑
 नमः॑ – कृ॒त्य । स॒दः । प्रेति॑ । सर्प॑ति । आ॒त्मनः॑ । अ॒ना॒र्त्ये॑ । नमः॑ ।
 रु॒द्राय॑ । म॒ख॒घ्न इति॑ म॒ख – घ्ने॑ । न॒म॒स्कृ॒त्येति॑ नमः॑ – कृ॒त्या । मा ।
 पा॒हि । इति॑ । आ॒ग्नी॒ध्र॒मित्या॑ग्नि – इ॒ध्रम् । तस्मै॑ । ए॒व ।
 न॒म॒स्कृ॒त्येति॑ नमः॑ – कृ॒त्य । स॒दः । प्रेति॑ । सर्प॑ति । आ॒त्मनः॑ ।
 अ॒ना॒र्त्ये॑ । नमः॑ । इ॒न्द्राय॑ । म॒ख॒घ्न इति॑ म॒ख – घ्ने॑ । इ॒न्द्रि॒यम् । मे ।
 वी॒र्य॑म् । मा । नि॒रिति॑ । व॒धीः । इति॑ । हो॒त्री॒यम् ।
 आ॒शि॒ष॒मित्या॑ – शि॒षम् । ए॒व । ए॒ताम् । एति॑ । शा॒स्ते । इ॒न्द्रि॒यस्य॑ ।
 वी॒र्य॑स्य । अ॒नि॒र्घा॒ताये॑त्य॒निः – घा॒ताय॑ । याः । वै । 12 (50)

TS 3.2.4.3

दे॒वताः॑ स॒दस्या॑र्ति – मा॒र्पय॑न्ति यस्ता वि॒द्वान् प्र॒सर्प॑ति न
 स॒दस्या॑र्तिमा॒र्च्छति॑ नमो॒ऽग्नये॑ म॒ख॒घ्न इत्या॑हैता वै दे॒वताः॑
 स॒दस्या॑र्तिमा॒र्पय॑न्ति ता य ए॒वं वि॒द्वान् प्र॒सर्प॑ति न स॒दस्या॑र्तिमा॒र्च्छति॑
 दृ॒ढे स्थः॑ शि॒थिरे॑ स॒मीची॑ मा॒ऽह॒स॒स्पात॑ सूर्यो॑ मा दे॒वो
 दि॒व्याद॑ह॒स॒स्पातु॑ वा॒युर॒न्तरि॑क्षा – [] 13

TS 3.2.4.3 - Padam

दे॒वताः॑ । स॒दसि॑ । आ॒र्तिम्॑ । आ॒र्पय॑न्तीत्या॑ – अ॒र्पय॑न्ति । यः ।
ताः । वि॒द्वान् । प्र॒स॒र्पती॑ति प्र – सर्प॑ति । न । स॒दसि॑ । आ॒र्तिम्॑ ।
ए॒ति । ऋ॒च्छति॑ । नमः॑ । अ॒ग्नये॑ । म॒खघ्न॑ इति म॒ख – घ्ने॑ । इति॑ ।
आ॒ह । ए॒ताः । वै । दे॒वताः॑ । स॒दसि॑ । आ॒र्तिम्॑ । ए॒ति । अ॒र्पय॑न्ति ।
ताः । यः । ए॒वम् । वि॒द्वान् । प्र॒स॒र्पती॑ति प्र – सर्प॑ति । न । स॒दसि॑ ।
आ॒र्तिम्॑ । ए॒ति । ऋ॒च्छति॑ । दृ॒ढे इति॑ । स्थः॑ । शि॒थिरे॑ इति॑ ।
स॒मीची॑ इति॑ । मा । अ॒ह॒सः । पा॒तम् । सूर्यः॑ । मा । दे॒वः ।
दि॒व्यात् । अ॒ह॒सः । पा॒तु । वा॒युः । अ॒न्तरि॑क्षात् । 13 (50)

TS 3.2.4.4

द॒ग्निः पृ॒थि॒व्या य॒मः पि॒तृ॒भ्यः सर॑स्वती म॒नुष्ये॑भ्यो दे॒वी द्वा॒रौ मा मा
सं ता॒प्तं नमः॑ स॒दसे॑ नमः॑ स॒दस॑स्प॒तये॑ नमः॑ स॒खीनां॑ पु॒रोगा॑णां
चक्षु॑षे नमो॑ दि॒वे नमः॑ पृ॒थि॒व्या अ॒हे दै॒धिष॑व्योद॒तस्ति॑ष्ठाऽन्य॒स्य स॒दने॑
सी॒द योऽस्म॑त् पा॒क॒तर॑ उ॒न्नि॒वत॑ उ॒दु॒द्ध॒तश्च॑ गे॒षं पा॒तं मा द्या॒वापृ॑थि॒वी
अ॒द्याहः॑ स॒दो वै प्र॑स॒र्प॒न्तं – [] 14

TS 3.2.4.4 - Padam

अ॒ग्निः । पृ॒थि॒व्याः । य॒मः । पि॒तृ॒भ्य इति॑ पि॒तृ – भ्यः॑ । सर॑स्वती ।
म॒नु॒ष्यै॑भ्यः । दे॒वी इति॑ । द्वा॒रौ । मा । मा । समि॑ति । ता॒प्तम् । नमः॑ ।
सद॑से । नमः॑ । सद॑सः । पत॑ये । नमः॑ । सखी॑नाम् । पु॒रो॒गा॒णामि॑ति
पु॒रः – गा॒नाम् । चक्षु॑षे । नमः॑ । दि॒वे । नमः॑ । पृ॒थि॒व्यै । अहे॑ ॥
दै॒धि॒ष॒व्य । उ॒दि॒ति । अ॒तः । तिष्ठ॑ । अ॒न्य॒स्य । स॒द॒ने । सी॒द । यः ।
अ॒स्मत् । पा॒क॒तर॑ इति॑ पा॒क – तरः॑ । उ॒दि॒ति ।
नि॒व॒त इति॑ नि॒व॒तः । उ॒दि॒ति । उ॒द्ध॒त इत्यु॑त् – व॒तः । च । गे॒षम् ।
पा॒तम् । मा । द्या॒वापृ॒थि॒वी इति॑ द्या॒वा – पृ॒थि॒वी । अ॒द्य ।
अ॒हः । स॒दः । वै । प्र॒स॒र्प॒न्तमि॑ति प्र – सर्प॑न्तम् । 14 (50)

TS 3.2.4.5

पि॒तरो॑ऽनु प्र सर्प॑न्ति त ए॒नमी॑श्वरा हि॒ऽसि॒तोः स॒दः प्र॒सृ॒प्य
दक्षि॑णा॒र्द्धं परे॑क्षेताऽग॑न्त पि॒तरः॑ पि॒तृ॒मा॒न॒हं यु॒ष्माभि॑र्भूयास॑
सु॒प्र॒ज॒सो मया॑ यू॒यं भू॒यास्ते॑ति तेभ्य॑ ए॒व नम॑स्कृत्य स॒दः
प्र सर्प॑त्यात्मनोऽना॒र्त्ये ॥ 15

TS 3.2.4.5 - Padam

पि॒तरः॑ । अनु॑ । प्रेति॑ । सर्प॑न्ति । ते । ए॒नम् । ई॒श्वराः॑ । हि॒॒सि॒तोः॑ ।
सदः॑ । प्र॒सृ॒प्येति॑ प्र – सृ॒प्य । द॒क्षि॒णा॒र्द्धमि॑ति दक्षिण – अ॒र्द्धम् ।
परेति॑ । ई॒क्षे॒त । एति॑ । अ॒गन्त॑ । पि॒तरः॑ । पि॒तृ॒मा॒नि॒ति॑ पि॒तृ – मा॒न् ।
अ॒हम् । यु॒ष्मा॒भिः॑ । भू॒या॒सम् । सु॒प्र॒ज॒स इति॑ सु॒प्र॒ज॒सः॑ । मया॑ ॥
यू॒यम् । भू॒या॒स्त । इति॑ । तेभ्यः॑ । ए॒व । न॒म॒स्कृ॒त्येति॑ नमः॑-कृत्य॑ ।
सदः॑ । प्रेति॑ । सर्प॑ति । आ॒त्म॒नः॑ । अ॒ना॒त्यै ॥ 15 (33)

(म॒खो – वा – अ॒न्तरि॑क्षात् – प्र॒सर्प॑न्तं – त्रय॑स्त्रि॒॒ंशच्च॑) (A4)

TS 3.2.5.1

भक्षे॑हि माऽऽ वि॒श दी॒र्घायु॑त्वाय श॒न्तनु॑त्वाय रा॒य॒स्पोषा॑य
वर्च॑से सु॒प्र॒जा॒स्त्वाये॑हि व॒सो पु॒रो॒व॒सो प्रि॒यो मे हृ॒दोऽस्य॑श्चि॒नो॒स्त्वा
बा॒हु॒भ्यां स॒ध्यासं॑ नृ॒चक्ष॑सं त्वा दे॒व सोम॑ सु॒चक्ष्वा॑ अव॒ ख्ये॑षं
म॒न्द्रा ऽभि॑भूतिः के॒तु॒र्य॒ज्ञा॒नां वा॑ग्जु॒षा॒णा सोम॑स्य तृ॒प्यतु॑ म॒न्द्रा
स्व॒र्वा॒च्यदि॑ति-र॒ना॒हत॑शी॒र्ष्णी वा॑ग्जु॒षा॒णा सोम॑स्य तृ॒प्यत्वे॑हि
वि॒श्वच॑र्षणे – [] 16

TS 3.2.5.1 - Padam

भक्ष॑ । ए॒ति॑ । इ॒हि॒ । मा॒ । ए॒ति॑ । वि॒श॒ । दी॒र्घा॒यु॒त्वाये॑ति
दी॒र्घा॒यु॒ – त्वा॒य॒ । श॒न्त॒नु॒त्वाये॑ति श॒न्त॒नु॒ – त्वा॒य॒ । रा॒यः॑ । पो॒षाय॑ ।
व॒र्च॑से । सु॒प्र॒जा॒स्त्वाये॑ति सु॒प्र॒जाः – त्वा॒य॒ । ए॒ति॑ । इ॒हि॒ । व॒सो॒ इति॑ ।
पु॒रो॒व॒सो॒ इति॑ पु॒रः – व॒सो॒ । प्रि॒यः॑ । मे॒ । हृ॒दः॑ । अ॒सि॒ । अ॒श्वि॒नोः॑ ।
त्वा॒ । बा॒हु॒भ्यामि॑ति बा॒हु॒ – भ्या॒म् । स॒ध्या॒स॒म् । नृ॒चक्ष॑समि॒ति॑
नृ॒ – चक्ष॑सम् । त्वा॒ । दे॒व॒ । सो॒म॒ । सु॒चक्ष॑ इति सु॒ – चक्ष॑ाः ।
अ॒वेति॑ । ख्ये॒ष॒म् । म॒न्द्रा॒ । अ॒भि॒भू॒तिरि॒त्यभि॑ – भू॒तिः॑ । के॒तुः॑ ।
य॒ज्ञा॒ना॒म् । वाक् । जु॒षा॒णा॒ । सो॒म॒स्य॑ । तृ॒प्य॒तु॒ । म॒न्द्रा॒ । स्व॒र्वा॒ची॒ति॒
सु॒ – अ॒र्वा॒ची॒ । अ॒दि॒तिः॑ । अ॒ना॒ह॒त॒शी॒र्ष्णी॒त्यना॑ह॒त॒ – शी॒र्ष्णी॑ ।
वाक् । जु॒षा॒णा॒ । सो॒म॒स्य॑ । तृ॒प्य॒तु॒ । ए॒ति॑ । इ॒हि॒ ।

वि॒श्व॒च॒र्ष॒ण॒ इति॑ वि॒श्व॒ – च॒र्ष॒णे॒ । 16 (50)

TS 3.2.5.2

श॒म्भू॒र्म॒यो॒भूः॑ स्व॒स्ति॒ मा॒ ह॒रि॒व॒र्ण॒ प्र॒ च॒र॒ क्र॒त्वे॒ दक्ष॑ाय रा॒य॒स्पो॒षाय॑
सु॒वी॒र॒ता॒यै॒ मा॒ मा॒ रा॒ज॒न् वि॒ बी॒भि॒षो॒ मा॒ मे॒ हा॒र्दि॒ त्वि॒षा॒ व॒धीः॑ ।
वृ॒ष॒णे॒ शु॒ष्मा॒याऽऽयु॑षे व॒र्च॑से ॥

वसु॑मद्गण॒स्य सोम॑ देव॒ ते मति॑विदः॒ प्रात॑स्सवन॒स्य गाय॑त्रछन्द॒स
इन्द्र॑पीत॒स्य नरा॑श॒सपी॑त॒स्य पित॑रपीत॒स्य मधु॑मत॒ उप॑हूत॒स्योप॑हूतो
भक्ष॑यामि रुद्र॑वद्गण॒स्य सोम॑ देव॒ ते मति॑विदो मा॒द्ध्यन्दि॑न॒स्य
सव॑न॒स्य त्रि॒ष्टुप्छ॑न्द॒स इन्द्र॑पीत॒स्य नरा॑श॒सपी॑त॒स्य – [] 17

TS 3.2.5.2 - Padam

शं॒भूरि॑ति शं – भूः । म॒योभू॑रिति मयः – भूः । स्व॒स्ति । मा ।
हरि॒वर्णे॑ति हरि – वर्ण । प्रेति॑ । चर । क्र॒त्वे । दक्ष॑ाय । रा॒यः ।
पोषा॑य । सु॒वीर॑ताया इति सु-वी॒रता॑यै । मा । मा । रा॒जन् । वी॒ति ।
बी॒भिषः॑ । मा । मे । हा॒र्दि । त्विषा॑ । व॒धीः ॥ वृष॑णे । शुष्मा॑य ।
आयु॑षे । वर्च॑से ॥ वसु॑मद्गण॒स्येति॑ वसु॑मत् – गण॒स्य । सोम॑ ।
देव॑ । ते । मति॑विद इति मति – विदः । प्रात॑स्सवन॒स्येति॑
प्रातः – सव॑न॒स्य । गाय॑त्रछन्द॒स इति॑ गाय॑त्र – छन्द॒सः ।
इन्द्र॑पीत॒स्येतीन्द्र॑ – पीत॒स्य । नरा॑श॒सपी॑त॒स्येति॑
नरा॑श॒स – पीत॒स्य । पित॑रपीत॒स्येति॑ पित॑र – पीत॒स्य । मधु॑मत इति
मधु॑ – मतः । उप॑हूत॒स्येत्युप॑ – हूत॒स्य । उप॑हूत इत्युप – हूतः ।

भक्षयामि॑ । रु॒द्रव॑द्गण॒स्येति॑ रु॒द्रव॑त् – गण॒स्य । सोम॑ । दे॒व । ते॒ ।
मति॑विद॒ इति॑ मति॑ – विदः॑ । मा॒द्ध्य॑न्दिन॒स्य । स॒वन॑स्य ।
त्रि॒ष्टु॒च्छ॑न्दस॒ इति॑ त्रि॒ष्टुप् – छ॒न्दसः॑ । इन्द्र॑पीत॒स्येतीन्द्र॑ – पीत॒स्य ।
नरा॑श॒सपी॑त॒स्येति॑ नरा॑श॒स – पीत॒स्य । 17 (50)

TS 3.2.5.3

पितृ॑पीत॒स्य मधु॑मत॒ उप॑हूत॒स्योप॑हूतो भक्षयाम्या॑दित्यव॑द्गण॒स्य
सोम॑ दे॒व ते मति॑विद॒स्तृतीय॑स्य स॒वन॑स्य जग॑तीछ॒न्दस॒ इन्द्र॑पीत॒स्य
नरा॑श॒सपी॑त॒स्य पितृ॑पीत॒स्य मधु॑मत॒ उप॑हूत॒स्योप॑हूतो भक्षयामि॑ ॥
आ प्या॑यस्व॒ समेतु॑ ते वि॒श्वतः॑ सोम॑ वृ॒ष्णि॑यं ।

भवा॑ वाज॒स्य स॒ङ्ग॒थे ॥

हि॒न्व मे॒ गात्रा॑ हरि॒वो ग॒णान् मे॒ मा वि॑तीतृषः ।
शि॒वो मे॒ स॒प्तर्षी॑नुप॒ तिष्ठ॑स्व॒ मा मे॒ऽवा॒ङ्नाभि॑मति॒ – [] 18

TS 3.2.5.3 - Padam

पितृ॑पीत॒स्येति॑ पितृ॑ – पीत॒स्य । मधु॑मत॒ इति॑ मधु॑ – मतः॑ ।
उप॑हूत॒स्येत्युप॑ – हूत॒स्य । उप॑हूत॒ इत्युप॑ – हूतः॑ । भक्षयामि॑ ।
आ॒दि॒त्यव॑द्गण॒स्येत्या॑दि॒त्यव॑त् – गण॒स्य । सोम॑ । दे॒व । ते॒ ।

म॒ति॒वि॒द इति॑ म॒ति – वि॒दः । तृ॒ती॒यस्य॑ । स॒व॒नस्य॑ । ज॒ग॒ती॒छ॒न्द॒स
इति॑ ज॒ग॒ती – छ॒न्द॒सः । इ॒न्द्र॒पी॒तस्ये॑तीन्द्र – पी॒तस्य॑ ।
न॒रा॒श॒स॒पी॒तस्ये॑ति न॒रा॒श॒स – पी॒तस्य॑ ।
पि॒तृ॒पी॒तस्ये॑ति पि॒तृ – पी॒तस्य॑ । म॒धु॒म॒त इति॑ म॒धु – म॒तः ।
उ॒प॒हू॒तस्ये॑त्यु॒प – हू॒तस्य॑ । उ॒प॒हू॒त इत्यु॒प–हू॒तः । भ॒क्ष॒या॒मि ॥ ए॒ति ।
प्या॒य॒स्व । स॒मि॒ति । ए॒तु । ते । वि॒श्व॒तः । सो॒म । वृ॒ष्णि॒य॒म् ॥ भ॒व ।
वा॒ज॒स्य । स॒ङ्ग॒थ इति॑ सं – ग॒थे ॥ हि॒न्व । मे । गा॒त्रा ॥
ह॒रि॒व इति॑ ह॒रि – वः । ग॒णान् । मे । मा । वी॒ति । ती॒तृ॒षः ॥
शि॒वः । मे । स॒प्त॒र्षी॒नि॒ति स॒प्त–ऋ॒षीन् । उ॒पे॒ति । ति॒ष्ठ॒स्व । मा ।
मे । अ॒वा॒ङ् । ना॒भि॒म् । अ॒ती॒ति । 18 (50)

TS 3.2.5.4

गाः ॥

अ॒पा॒म सो॒म॒म॒मृ॒ता अ॒भू॒माऽद॒श्म॒ ज्यो॒ति॒र॒वि॒दा॒म दे॒वान् ।
कि॒म॒स्मा॒न् कृ॒ण॒व॒द॒रा॒तिः कि॒मु धू॒र्ति॒र॒मृ॒त म॒र्त्य॒स्य ॥
य॒न्म आ॒त्म॒नो मि॒न्दा ऽभू॒द॒ग्नि॒स्तत् पु॒न॒रा ऽहा॒र्जा॒त॒वे॒दा वि॒च॒र्ष॒णिः ॥

पुन॑र॒ग्निश्चक्षु॑रदात्-पुन॑रिन्द्रो बृ॒हस्प॑तिः ।

पुन॑र्मे अ॒श्विना यु॒वं चक्षु॑रा ध॒त्तम॑क्ष्योः ॥

इष्ट॑यजुषस्ते देव सोम स्तु॒तस्तो॑मस्य – [] 19

TS 3.2.5.4 - Padam

गाः ॥ अ॒पाम॑ । सोम॑म् । अ॒मृताः॑ । अ॒भूम॑ । अ॒द॒श्म॑ । ज्योतिः॑ ।

अ॒वि॒दाम॑ । दे॒वान् ॥ किम् । अ॒स्मान् । कृ॒णव॑त् । अ॒रातिः॑ । किम् ।

उ । धू॒र्तिः॑ । अ॒मृत॑ । म॒र्त्यस्य॑ ॥ यत् । मे । आ॒त्मनः॑ । मि॒न्दा ।

अ॒भूत् । अ॒ग्निः । तत् । पुनः॑ । ए॒ति । अ॒हाः । जा॒तवे॑दा इति

जा॒त – वे॒दाः । वि॒चर्ष॑णिरिति वि – चर्ष॑णिः ॥ पुनः॑ । अ॒ग्निः ।

चक्षुः॑ । अ॒दात् । पुनः॑ । इन्द्रः॑ । बृ॒हस्प॑तिः ॥ पुनः॑ । मे । अ॒श्विना॑ ।

यु॒वम् । चक्षुः॑ । ए॒ति । ध॒त्तम् । अ॒क्ष्योः ॥ इष्ट॑यजुष इतीष्ट॑-यजुषः॑ ।

ते । दे॒व । सोम॑ । स्तु॒तस्तो॑मस्येति स्तु॒त – स्तो॑मस्य । 19 (50)

TS 3.2.5.5

श॒स्तोक्थ॑स्य ह॒रिव॑त इन्द्र॑पीतस्य मधु॑मत॒ उप॑हूतस्योप॑हूतो

भक्ष॑यामि ॥

आ॒पूर्याः॑ स्थाऽऽ मा पू॒रय॑त प्र॒जया॑ च ध॒नेन॑ च ॥

ए॒तत् ते॒ त॒त॒ ये च॒ त्वा॒म॒न्वे॒तत् ते॒ पि॒ता॒म॒ह॒ प्र॒पि॒ता॒म॒ह॒ ये च॒ त्वा॒म॒न्व॒त्र
पि॒त॒रो य॒था॒भा॒गं म॒न्द॒ध्वं॒ नमो॑ वः॒ पि॒त॒रो र॒साय॑ नमो॑ वः॒ पि॒त॒रः
शु॒ष्माय॑ नमो॑ वः॒ पि॒त॒रो जी॒वाय॑ नमो॑ वः॒ पि॒त॒रः – [] 20

TS 3.2.5.5 - Padam

श॒स्तो॒क्थ॒स्येति॑ श॒स्त – उ॒क्थ॒स्य॒ । ह॒रि॒व॒त॒ इति॑ ह॒रि – व॒तः॒ ।
इ॒न्द्र॒पी॒त॒स्येती॑न्द्र – पी॒त॒स्य॒ । म॒धु॒म॒त॒ इति॑ म॒धु – म॒तः॒ ।
उ॒प॒हू॒त॒स्येत्यु॑प – हू॒त॒स्य॒ । उ॒प॒हू॒त॒ इत्यु॑प – हू॒तः॒ । भ॒क्ष॒या॒मि॒ ॥
आ॒पू॒र्या॒ इत्या॑ – पू॒र्याः॑ । स्थ॒ । ए॒ति॒ । मा॒ । पू॒र॒य॒त॒ । प्र॒ज॒येति॑
प्र॒-ज॒या॑ । च॒ । ध॒ने॒न॒ । च॒ ॥ ए॒तत् । ते॒ । त॒त॒ । ये॒ । च॒ । त्वा॒म् ।
अ॒न्वि॒ति॒ । ए॒तत् । ते॒ । पि॒ता॒म॒ह॒ । प्र॒पि॒ता॒म॒हेति॑ प्र – पि॒ता॒म॒ह॒ । ये॒ ।
च॒ । त्वा॒म् । अ॒न्वि॒ति॒ । अ॒त्र॒ । पि॒त॒रः॒ । य॒था॒भा॒ग॒मि॒ति॑ य॒था-भा॒ग॒म् ।
म॒न्द॒ध्व॒म् । नमः॑ । वः॒ । पि॒त॒रः॒ । र॒साय॑ । नमः॑ । वः॒ । पि॒त॒रः॒ ।
शु॒ष्माय॑ । नमः॑ । वः॒ । पि॒त॒रः॒ । जी॒वाय॑ । नमः॑ । वः॒ ।

पि॒त॒रः॒ । 20 (50)

TS 3.2.5.6

स्व॒धा॒यै॑ नमो॑ वः॑ पि॒तरो॑ म॒न्यवे॑ नमो॑ वः॑ पि॒तरो॑ घो॒राय॑ पि॒तरो॑ नमो॑
वो॒ य ए॒तस्मिन्॑ लो॒के॒स्थ यु॒ष्मा॒ऽस्ते॒ऽनु॒ ये॒ऽस्मिन्॑ लो॒के मां॑ ते॒ऽनु॒ य
ए॒तस्मिन्॑ लो॒के स्थ॑ यू॒यं तेषां॑ व॒सि॒ष्ठा भू॒यास्त॑ ये॒ऽस्मिन्॑ लो॒केऽहं॑
तेषां॑ व॒सि॒ष्ठो भू॒यासं॑ प्र॒जाप॑ते न त्वदे॒तान्य॒न्यो वि॒श्वा जा॒तानि॑
परि॑ ता ब॒भूव॑ । 21

TS 3.2.5.6 - Padam

स्व॒धा॒या इति॑ स्व – धा॒यै॑ । नमः॑ । वः॑ । पि॒तरः॑ । म॒न्यवे॑ । नमः॑ ।
वः॑ । पि॒तरः॑ । घो॒राय॑ । पि॒तरः॑ । नमः॑ । वः॑ । ये॑ । ए॒तस्मिन्॑ ।
लो॒के । स्थ॑ । यु॒ष्मान् । ते॑ । अ॒न्वि॒ति । ये॑ । अ॒स्मिन् । लो॒के ।
मा॒म् । ते॑ । अ॒न्वि॒ति । ये॑ । ए॒तस्मिन्॑ । लो॒के । स्थ॑ । यू॒यम् ।
तेषा॑म् । व॒सि॒ष्ठाः । भू॒यास्त॑ । ये॑ । अ॒स्मिन् । लो॒के । अ॒हम् ।
तेषा॑म् । व॒सि॒ष्ठः । भू॒यास॑म् । प्र॒जाप॑त इति॑ प्र॒जा-प॑ते । न । त्वत् ।
ए॒तानि॑ । अ॒न्यः । वि॒श्वा । जा॒तानि॑ । प॒रीति॑ । ता । ब॒भूव॑ ॥ 21 (50)

TS 3.2.5.7

यत् कामास्ते जुहुमस्तन्नो अस्तु वयं स्याम पतयो रयीणां ॥
देवकृतस्यैनसो अवयजनमसि मनुष्यकृतस्यैनसो अवयजनमसि
पितृकृतस्यैनसो अवयजनमस्यप्सु धौतस्य सोम देव ते नृभिः
सुतस्येष्टयजुषः स्तुतस्तोमस्य शस्तोक्थस्य यो भक्षो अश्वसनिर्यो
गोसनिस्तस्य ते पितृभिर्भक्षंकृत-स्योपहूत-स्योपहूतो
भक्षयामि ॥ 22

TS 3.2.5.7 - Padam

यत्कामा इति यत् – कामाः । ते । जुहुमः । तत् । नः । अस्तु ।
वयम् । स्याम । पतयः । रयीणाम् ॥ देवकृतस्येति देव – कृतस्य ।
एनसः । अवयजनमित्यव – यजनम् । असि । मनुष्यकृतस्येति
मनुष्य – कृतस्य । एनसः । अवयजनमित्यव – यजनम् । असि ।
पितृकृतस्येति पितृ – कृतस्य । एनसः ।
अवयजनमित्यव – यजनम् । असि । अफिस्वत्यप्-सु । धौतस्य ।

सो॒म । दे॒व । ते । नृ॒भिरि॒ति नृ॒ – भिः । सु॒तस्य॑ । इ॒ष्टय॑जुष
इती॒ष्ट – य॒जुषः । स्तु॒तस्तो॑मस्येति॑ स्तु॒त – स्तो॒मस्य॑ ।
शस्तो॑क्थस्येति॑ शस्त – उक्थ॑स्य । यः । भक्षः॑ ।
अश्व॑सनिरित्यश्व – सनिः॑ । यः । गो॑सनिरिति॑ गो – सनिः॑ । तस्य॑ ।
ते । पि॒तृभि॒रिति॑ पि॒तृ – भिः । भक्षं॑कृतस्येति॑ भक्षं – कृ॒तस्य॑ ।
उप॑हूतस्येत्युप – हू॒तस्य॑ । उप॑हूत इत्युप – हू॒तः ।

भक्षयामि ॥ 22 (44)

(वि॒श्वच॑र्षणे – त्रि॒ष्टु॒च्छन्द॑स इन्द्र॑पीतस्य नरा॑श्च॒सपी॑तस्या – ऽति॑
–स्तु॒तस्तो॑मस्य – जी॒वाय॑ नमो॑ वः पि॒तरो – बभू॑व –
चतु॑श्चत्वारि॒ंशच्च॑) (A5)

TS 3.2.6.1

मही॑नां पयो॑ऽसि वि॒श्वेषां॑ दे॒वानां॑ तनू॒र्. ऋ॒द्ध्या॑समद्य॑ पृष॑तीनां॒ ग्रहं॑
पृष॑तीनां॒ ग्रहो॑ऽसि वि॒ष्णोर्. हृ॒दय॑मस्येक॑मिष॒ विष्णु॑स्त्वाऽनु॒ वि च॑क्रमे
भूति॑र्दध्ना घृ॒तेन॑ वर्द्धतां॒ तस्य॑ मे॒ष्टस्य॑ वी॒तस्य॑ द्रवि॑णमा
गम्या॑ज्ज्योति॒रसि॑ वैश्वा॒नरं॑ पृ॒श्नि॒ज्यै दु॒ग्धं या॑वती॒ द्यावा॑पृथि॒वी

म॒हि॒त्वा॒ या॒व॒च्च॒ स॒प्त॒ सि॒न्ध॒वो॒ वि॒त॒स्थुः॑ ।

ता॒व॒न्त॒मि॒न्द्र॒ ते॒ – [] 23

TS 3.2.6.1 - Padam

म॒ही॒ना॒म् । प॒यः॑ । अ॒सि॒ । वि॒श्वे॑षा॒म् । दे॒वा॒ना॒म् । त॒नूः॑ । ऋ॒द्ध्य॑सा॒म् ।

अ॒द्य । पृ॒ष॒ती॒ना॒म् । ग्र॒ह॒म् । पृ॒ष॒ती॒ना॒म् । ग्र॒हः॑ । अ॒सि॒ । वि॒ष्णोः॑ ।

हृ॒द॒य॒म् । अ॒सि॒ । ए॒क॒म् । इ॒ष॒ । वि॒ष्णुः॑ । त्वा॒ । अ॒नु॒ । वी॒ति॑ ।

च॒क्र॒मे॒ । भू॒तिः॑ । द॒ध्ना॑ । घृ॒ते॒न॑ । वर्द्ध॑ता॒म् । त॒स्य॑ । मा॒ । इ॒ष्ट॒स्य॑ ।

वी॒त॒स्य॑ । द्र॒वि॒ण॒म् । ए॒ति॑ । ग॒म्या॒त् । ज्यो॑तिः । अ॒सि॒ । वै॒श्व॒ान॒र॒म् ।

पृ॒श्नि॑ज्यै । दु॒ग्ध॒म् । या॒व॒ती॒ इति॑ । द्या॒वा॒पृ॒थि॒वी॒ इति॑ द्या॒वा॒-पृ॒थि॒वी॒ ।

म॒हि॒त्वे॒ति॑ म॒हि॒ – त्वा॒ । या॒व॒त् । च॒ । स॒प्त॒ । सि॒न्ध॒वः॑ ।

वि॒त॒स्थु॒रिति॑ वि॒ – त॒स्थुः॑ ॥ ता॒व॒न्त॒म् । इ॒न्द्र॒ । ते॒ । 23 (50)

TS 3.2.6.2

ग्र॒ह॑ꣳ स॒हो॒र्जा॑ गृ॒ह्णाम्य॑स्तृ॒तं ॥

यत् कृ॒ष्ण॑शकु॒नः॑ पृ॒ष॒दा॒ज्य॑म॒व॒मृ॒शे॑च्छू॒द्रा॒ अस्य॑ प्र॒मा॒यु॒काः॑

स्यु॒र्य॑च्छ्वा॒ ऽव॒मृ॒शे॑च्चतु॒ष्पा॒दो॒ऽस्य॑ प॒श॒वः॑ प्र॒मा॒यु॒काः॑ स्यु॒र्य॑थ्

स्कन्देद् यजमानः प्रमायुकः स्यात् पशवो वै पृषदाज्यं पशवो वा
एतस्य स्कन्दन्ति यस्य पृषदाज्यं स्कन्दति यत् पृषदाज्यं
पुनर्गृह्णाति पशून्वास्मै पुनर्गृह्णाति प्राणो वै पृषदाज्यं

प्राणो वा – [] 24

TS 3.2.6.2 - Padam

ग्र॒हम् । स॒ह । ऊ॒र्जा । गृ॒ह्णामि॑ । अस्तृ॑तम् ॥ यत् । कृ॒ष्णश॒कुन॑ इति॑
कृ॒ष्ण – श॒कुनः॑ । पृ॒षदा॒ज्यमि॑ति पृषत् – आ॒ज्यम् ।
अ॒वमृ॑शेदित्यव – मृ॒शेत् । शू॒द्राः । अ॒स्य ।
प्र॒मायु॑का इति॑ प्र – मा॒युकाः॑ । स्युः॑ । यत् । श्वा ।
अ॒वमृ॑शेदित्यव – मृ॒शेत् । चतु॑ष्पाद इति॑ चतुः – पा॒दः । अ॒स्य । प॒
शवः॑ । प्र॒मायु॑का इति॑ प्र – मा॒युकाः॑ । स्युः॑ । यत् । स्कन्दे॑त् ।
यज॑मानः । प्र॒मायु॑क इति॑ प्र – मा॒युकः॑ । स्यात् । प॒शवः॑ । वै ।
पृ॒षदा॒ज्यमि॑ति पृषत् – आ॒ज्यम् । प॒शवः॑ । वै । ए॒तस्य॑ । स्क॒न्दन्ति॑ ।
यस्य॑ । पृ॒षदा॒ज्यमि॑ति पृषत् – आ॒ज्यम् । स्क॒न्दति॑ । यत् ।
पृ॒षदा॒ज्यमि॑ति पृषत् – आ॒ज्यम् । पुनः॑ । गृ॒ह्णाति॑ । प॒शून् । ए॒व ।

अ॒स्मै । पुनः॑ । गृ॒ह्णा॒ति । प्रा॒ण इति॑ प्र – अ॒नः । वै । पृ॒षदा॒ज्यमि॑ति
पृ॒षत् – आ॒ज्यम् । प्रा॒ण इति॑ प्र – अ॒नः । वै ॥ 24 (50)

TS 3.2.6.3

ए॒तस्य॑ स्क्॒न्दति॑ यस्य॑ पृ॒षदा॒ज्यं स्क्॒न्दति॑ यत् पृ॒षदा॒ज्यं पुनर्गृ॒ह्णा॒ति
प्रा॒णमे॒वास्मै॑ पुनर्गृ॒ह्णा॒ति हि॒रण्य॑मव॒धाय॑ गृ॒ह्णा॒त्यमृ॑तं वै हि॒रण्यं॑ प्रा॒णः
पृ॒षदा॒ज्यममृ॑तमे॒वास्य॑ प्रा॒णे द॑धाति श॒तमा॑नं भवति श॒तायुः॑ पु॒रुषः॑
श॒तेन्द्रि॑य आयु॒ष्येवेन्द्रि॑ये प्र॒ति तिष्ठ॑त्यश्चमव घ्रापयति प्राजाप॒त्यो वा
अश्चः॑ प्राजाप॒त्यः प्रा॒णः स्वा॒दे॒वास्मै॑ यो॒नैः प्रा॒णं () निर्मि॑मीते वि
वा ए॒तस्य॑ य॒ज्ञश्छि॑द्यते यस्य॑ पृ॒षदा॒ज्यं स्क्॒न्दति॑ वैष्ण॒व्यर्चा
पुनर्गृ॒ह्णा॒ति य॒ज्ञो वै विष्णु॑र्य॒ज्ञेनै॒व य॒ज्ञं सं त॑नोति ॥ 25

TS 3.2.6.3 - Padam

ए॒तस्य॑ । स्क्॒न्दति॑ । यस्य॑ । पृ॒षदा॒ज्यमि॑ति पृ॒षत् – आ॒ज्यम् ।
स्क्॒न्दति॑ । यत् । पृ॒षदा॒ज्यमि॑ति पृ॒षत् – आ॒ज्यम् । पुनः॑ । गृ॒ह्णा॒ति ।
प्रा॒णमि॑ति प्र – अ॒नम् । ए॒व । अ॒स्मै । पुनः॑ । गृ॒ह्णा॒ति । हि॒रण्यम् ।
अ॒व॒धा॒येत्य॑व – धाय॑ । गृ॒ह्णा॒ति । अ॒मृ॒तम् । वै । हि॒रण्यम् । प्रा॒ण

इति॑ प्र – अ॒नः । पृ॒षदा॒ज्यमि॑ति पृषत् – आ॒ज्यम् । अ॒मृत॑म् । ए॒व ।
 अ॒स्य । प्रा॒ण इति॑ प्र – अ॒ने । द॒धाति॑ । श॒तमा॑नमि॑ति श॒त-मा॑नम् ।
 भ॒वति॑ । श॒तायु॑रिति॑ श॒त – आ॒युः । पु॒रुषः॑ । श॒तेन्द्रि॑य इति॑
 श॒त-इन्द्रि॑यः । आ॒युषि॑ । ए॒व । इन्द्रि॑ये । प्र॒तीति॑ । ति॒ष्ठति॑ । अ॒श्वम् ।
 अ॒वेति॑ । घ्रा॒पय॑ति । प्रा॒जाप॑त्य इति॑ प्रा॒जा – प॒त्यः । वै । अ॒श्वः ।
 प्रा॒जाप॑त्य इति॑ प्रा॒जा – प॒त्यः । प्रा॒ण इति॑ प्र-अ॒नः । स्वा॒त् । ए॒व ।
 अ॒स्मै । यो॒नैः॑ । प्रा॒णमि॑ति प्र – अ॒नम् () । नि॒रिति॑ । मि॒मीते॑ ।
 वी॒ति । वै । ए॒तस्य॑ । य॒ज्ञः । छि॒द्यते॑ । यस्य॑ । पृ॒षदा॒ज्यमि॑ति
 पृषत् – आ॒ज्यम् । स्क॒न्दति॑ । वै॒ष्णाव्या॑ । ऋ॒चा । पु॒नः । गृ॒ह्णाति॑ ।
 य॒ज्ञः । वै । वि॒ष्णुः । य॒ज्ञेन॑ । ए॒व । य॒ज्ञम् । स॒मिति॑ ।
 त॒नोति॑ ॥ 25 (72) (ते॑ – पृ॒षदा॒ज्यं प्रा॑णो वै – यो॒नैः॑ प्रा॒णं –

द्वाविं॑शतिश्च) (A6)

TS 3.2.7.1

दे॒व स॒वित॑रे॒तत् ते॒ प्रा॒ऽऽह॒ तत् प्र च॑ सु॒व प्र च॑ य॒ज्ञ बृ॒हस्प॑तिर्ब्र॒ह्मा
 ऽऽयु॑ष्म॒त्या ऋ॒चो मा॑ गा॒त त॒नूपा॑थ् सा॒मनः॑ स॒त्या व आ॒शिषः॑ स॒न्तु

स॒त्या आ॒कू॒तय॑ ऋ॒तं च॑ स॒त्यं च॑ वद॒त स्तु॒त दे॒वस्य॑ स॒वितुः॑ प्र॒सवे॑
स्तु॒तस्य॑ स्तु॒तम॒स्यूर्जं॑ म॒ह्यं॑ स्तु॒तं दु॒हामा॑ मा स्तु॒तस्य॑ स्तु॒तं
ग॒म्याच्छ॑स्त्रस्य॑ श॒स्त्र – [] 26

TS 3.2.7.1 - Padam

दे॒व । स॒वि॒तः । ए॒तत् । ते । प्रे॒ति । आ॒ह । तत् । प्रे॒ति । च । सु॒व ।
प्रे॒ति । च । य॒ज । बृ॒ह॒स्प॒तिः । ब्र॒ह्मा । आ॒यु॒ष्म॒त्याः । ऋ॒चः । मा ।
गा॒त । त॒नूपा॑दि॒ति त॒नू – पा॒त् । सा॒म॒नः । स॒त्याः । वः ।
आ॒शि॒ष इ॒त्या॑ – शि॒षः । स॒न्तु । स॒त्याः । आ॒कू॒तय॑ इ॒त्या–कू॒तयः॑ ।
ऋ॒तम् । च । स॒त्यम् । च । वद॒त । स्तु॒त । दे॒वस्य॑ । स॒वि॒तुः ।
प्र॒सव॑ इति॒ प्र – स॒वे । स्तु॒तस्य॑ । स्तु॒तम् । अ॒सि॒ । ऊ॒र्जम्॑ ।
म॒ह्यम् । स्तु॒तम् । दु॒हाम् । ए॒ति । मा । स्तु॒तस्य॑ । स्तु॒तम् । ग॒म्यात् ।
श॒स्त्रस्य॑ । श॒स्त्रम् । 26 (50)

TS 3.2.7.2

म॒स्यूर्जं॑ म॒ह्यं॑ श॒स्त्रं दु॒हामा॑ मा श॒स्त्रस्य॑ श॒स्त्रं
ग॒म्यादि॑न्द्रि॒याव॑न्तो वना॒महे॑ धु॒क्षी॒महि॑ प्र॒जामि॑षं ॥

सा॒ मे॒ स॒त्या ऽऽशी॒र्दे॒वेषु॑ भू॒याद्-ब्र॒ह्मव॒र्चसं॑ माऽऽ ग॒म्यात् ॥
य॒ज्ञो ब॒भूव॑ स आ ब॒भूव॑ स प्र ज॒ज्ञे स वा॒वृधे॑ ।
स दे॒वाना॒मधि॑-पति॒र्बभूव॑ सो अ॒स्मा॒ अ॒धिप॑तीन् करोतु वय॑
स्या॒म प॑तयो रयी॒णां ॥

य॒ज्ञो वा॒ वै - [] 27

TS 3.2.7.2 - Padam

अ॒सि । ऊ॒र्जम् । म॒ह्यम् । श॒स्त्रम् । दु॒हाम् । ए॒ति । मा । श॒स्त्रस्य॑ ।
श॒स्त्रम् । ग॒म्यात् । इ॒न्द्रि॒याव॑न्त इती॒न्द्रि॒य - व॑न्तः । व॒नाम॑हे ।
धु॒क्षी॒महि॑ । प्र॒जामि॑ति प्र - जा॒म् । इ॒षम् ॥ सा । मे॒ । स॒त्या ।
आ॒शी॒रित्या॑ - शीः । दे॒वेषु॑ । भू॒यात् । ब्र॒ह्मव॒र्चस॑मिति
ब्र॒ह्म - व॒र्चस॑म् । मा । ए॒ति । ग॒म्यात् ॥ य॒ज्ञः । ब॒भूव॑ । सः ।
ए॒ति । ब॒भूव॑ । सः । प्रे॒ति । ज॒ज्ञे । सः । वा॒वृधे॑ ॥ सः । दे॒वाना॑म् ।
अ॒धिप॑तिरित्य॒धि - प॑तिः । ब॒भूव॑ । सः । अ॒स्मान् ।
अ॒धिप॑तीनित्य॒धि - प॑तीन् । करोतु । वय॑म् । स्या॒म । प॑तयः ।
रयी॒णाम् ॥ य॒ज्ञः । वा॒ । वै । 27 (50)

TS 3.2.7.3

य॒ज्ञप॑तिं दु॒हे य॒ज्ञप॑तिर्वा य॒ज्ञं दु॒हे स यः स्तु॑तश॒स्त्रयो॒र्दोह॑मवि॒द्वान् ।
यज॑ते तं य॒ज्ञो दु॒हे स इ॒ष्ट्वा पा॑पीयान् भवति य ए॒नयो॒र्दोहं॑
वि॒द्वान् यज॑ते स य॒ज्ञं दु॒हे स इ॒ष्ट्वा व॑सीयान् भवति स्तु॑तस्य
स्तु॑तम॒स्यूर्जं॑ म॒ह्यं स्तु॑तं दु॒हामा मा स्तु॑तस्य स्तु॑तं
ग॒म्याच्छ॑स्त्रस्य श॒स्त्रम॒स्यूर्जं॑ म॒ह्यं श॒स्त्रं दु॒हा- () -मा मा
श॒स्त्रस्य श॒स्त्रं ग॒म्यादि॑त्याहैष वै स्तु॑तश॒स्त्रयो॒र्दोह॑स्तं
य॒ एवं वि॒द्वान् यज॑ते दु॒ह ए॒व य॒ज्ञमि॒ष्ट्वा व॑सीयान् भवति ॥ 28

TS 3.2.7.3 - Padam

य॒ज्ञप॑तिमि॒ति य॒ज्ञ - प॒तिम् । दु॒हे । य॒ज्ञप॑तिरि॒ति य॒ज्ञ-प॒तिः । वा ।
य॒ज्ञम् । दु॒हे । सः । यः । स्तु॑तश॒स्त्रयो॒रि॒ति स्तु॑त - श॒स्त्रयोः॑ ।
दोह॑म् । अवि॒द्वान् । यज॑ते । तम् । य॒ज्ञः । दु॒हे । सः । इ॒ष्ट्वा ।
पा॑पीयान् । भवति । यः । ए॒नयोः॑ । दोह॑म् । वि॒द्वान् । यज॑ते । सः ।
य॒ज्ञम् । दु॒हे । सः । इ॒ष्ट्वा । व॑सीयान् । भवति । स्तु॑तस्य ।
स्तु॑तम् । अ॒सि । ऊ॒र्जम् । म॒ह्यम् । स्तु॑तम् । दु॒हाम् । ए॒ति । मा ।

स्तु॒तस्य॑ । स्तु॒तम् । ग॒म्यात् । श॒स्त्रस्य॑ । श॒स्त्रम् । अ॒सि॒ । ऊ॒र्जम् ।
म॒ह्यम् । श॒स्त्रम् । दु॒हाम् () । ए॒ति॒ । मा॒ । श॒स्त्रस्य॑ । श॒स्त्रम् ।
ग॒म्यात् । इ॒ति॒ । आ॒ह॒ । ए॒षः । वै । स्तु॒तश॒स्त्रयो॑रिति॒
स्तु॒त – श॒स्त्रयोः॑ । दो॒हः । तम् । यः । ए॒वम् । वि॒द्वान् । यज॑ते ।
दु॒हे । ए॒व । य॒ज्ञम् । इ॒ष्ट्वा । व॒सी॒यान् । भ॒वति॑ ॥ 28 (72)

(श॒स्त्रं – वै – श॒स्त्रन्दु॑हां – द्वावि॑शतिश्च) (A7)

TS 3.2.8.1

श्ये॒नाय॑ प॒त्वने॑ स्वा॒हा वट्थ॑स्वयम॒भिगू॑र्ताय॒ नमो॑ वि॒ष्टम्भाय॑
धर्म॑णे स्वा॒हा वट्थ॑स्वयम॒भिगू॑र्ताय॒ नमः॑ परि॒धये॑ जन॒प्रथ॑नाय स्वा॒हा
वट्थ॑स्वयम॒भिगू॑र्ताय॒ नम॑ ऊ॒र्जे हो॒त्राणा॑ स्वा॒हा वट्थ॑स्वयम॒भिगू॑र्ताय॒
नमः॑ पय॒से हो॒त्राणा॑ स्वा॒हा वट्थ॑स्वयम॒भिगू॑र्ताय॒ नमः॑ प्र॒जाप॑तये
मन॑वे स्वा॒हा वट्थ॑स्वयम॒भिगू॑र्ताय॒ नम॑ ऋ॒तमृ॑तपाः सु॒वर्वा॑ट्स्वा॒हा
वट्थ॑स्वयम॒भिगू॑र्ताय॒ नम॑स्तृ॒पन्ता॑ हो॒त्रा म॒धोर्घृ॑तस्य॒ यज्ञ॑पति॒मृष॑य
ए॒नसा – [] 29

TS 3.2.8.1 - Padam

श्ये॒नाय॑ । प॒त्वने॑ । स्वा॒हा ॥ वट् । स्व॒यम॑भिगू॒र्ताये॑ति
स्व॒यं – अ॒भिगू॒र्ताय॑ । नमः॑ । वि॒ष्टंभा॑येति वि – स्तंभा॑य । ध॒र्मणे॑ ।
स्वा॒हा ॥ वट् । स्व॒यम॑भिगू॒र्ताये॑ति स्व॒यं – अ॒भिगू॒र्ताय॑ । नमः॑ ।
परि॒धय॑ इति परि – ध॒ये ॥ ज॒नप्र॑थ॒नाये॑ति ज॒न – प्र॑थ॒नाय॑ । स्वा॒हा ॥
वट् । स्व॒यम॑भिगू॒र्ताये॑ति स्व॒यं – अ॒भिगू॒र्ताय॑ । नमः॑ । ऊ॒र्जे ।
हो॒त्राणाम् । स्वा॒हा ॥ वट् । स्व॒यम॑भिगू॒र्ताये॑ति स्व॒यं – अ॒भिगू॒र्ताय॑ ।
नमः॑ । प॒यसे॑ । हो॒त्राणाम् । स्वा॒हा ॥ वट् । स्व॒यम॑भिगू॒र्ताये॑ति
स्व॒यं – अ॒भिगू॒र्ताय॑ । नमः॑ । प्र॒जाप॑तय इति प्र॒जा-प॑तये । म॒नवे॑ ।
स्वा॒हा ॥ वट् । स्व॒यम॑भिगू॒र्ताये॑ति स्व॒यं – अ॒भिगू॒र्ताय॑ । नमः॑ ।
ऋ॒तम् । ऋ॒तपा॑ इत्यृ॒त – पाः॑ । सु॒वर्वा॑डिति सु॒वः – वा॒ट् । स्वा॒हा ॥
वट् । स्व॒यम॑भिगू॒र्ताये॑ति स्व॒यं – अ॒भिगू॒र्ताय॑ । नमः॑ । तृ॒पन्ता॑म् ।
हो॒त्राः । म॒धोः । घृ॒तस्य॑ । य॒ज्ञप॑तिमिति य॒ज्ञ – प॑तिम् । ऋ॒षयः॑ ।
ए॒नसा॑ । 29 (50)

TS 3.2.8.2

आहुः ।

प्र॒जा निर्भ॑क्ता अनु॒तप्य॑माना म॒धव्यौ॑ स्तो॒कावप॑ तौ रराध ॥
सं न॒स्ताभ्या॑ꣳ सृ॒जतु॑वि॒श्वकर्मा॑ घो॒रा ऋ॑षयो नमो अ॒स्त्वेभ्यः॑ ।
चक्षु॑ष एषां मन॒सश्च॑ स॒न्धौ बृ॒हस्प॑तये म॒हि षद् द्यु॒मन्त्र॑मः ॥
नमो॑ वि॒श्वक॑र्मणे स उ॒ पा॒त्वस्मा॑न॒नन्या॑न्त् सोम॑पान् म॒न्यमा॑नः ।
प्रा॒णस्य॑ वि॒द्वान्त् स॑मरे न धी॒र ए॒नश्च॑कृ॒वान् म॒हि ब॒द्ध ए॒षां ॥
तं वि॒श्वक॑र्मन् – [] 30

TS 3.2.8.2 - Padam

आ॒हुः ॥ प्र॒जा इति॑ प्र – जाः । निर्भ॑क्ता इति॑ निः – भ॒क्ताः ।
अनु॒तप्य॑माना इत्यनु॒तप्य॑मानाः । म॒धव्यौ॑ । स्तो॒कौ । अपे॑ति । तौ ।
ररा॒ध ॥ समि॑ति । नः । ता॒भ्याम् । सृ॒जतु॑ । वि॒श्वक॑र्मेति॑
वि॒श्व – क॑र्मा । घो॒राः । ऋ॑षयः । नमः । अ॒स्तु । ए॒भ्यः ॥ चक्षु॑षः ।
ए॒षाम् । मन॒सः । च । स॒न्धावि॑ति सं – धौ । बृ॒हस्प॑तये । म॒हि ।
सत् । द्यु॒मदि॑ति द्यु – मत् । नमः ॥ नमः । वि॒श्वक॑र्मण इति॑
वि॒श्व – क॑र्मणे । सः । उ॒ । पा॒तु । अ॒स्मान् । अ॒नन्या॑न् ।

सो॒म॒पा॒नि॒ति॒ सोम॑ – पा॒न् । म॒न्य॒मा॒नः॑ ॥ प्रा॒ण॒स्ये॒ति॒ प्र – अ॒न॒स्य॑ ।
वि॒द्वान् । स॒म॒र इति॑ सं-अ॒रे । न । धी॒रः । ए॒नः । च॒कृ॒वान् । म॒हि ।
ब॒द्धः । ए॒षाम् ॥ तम् । वि॒श्व॒क॒र्म॒न्नि॒ति॒ विश्व॑ – क॒र्म॒न् । 30 (50)

TS 3.2.8.3

प्र मुञ्चा॑ स्व॒स्तये॑ ये भ॒क्षय॑न्तो न वसू॒न्या॒नृहुः॑ ।
या॒न॒ग्न॒योऽन्व॑त॒प्यन्त॑ धि॒ष्णि॒या इ॒यं तेषा॑म॒वया॑ दु॒रि॒ष्ट्यै॑ स्वि॒ष्टिं न॒स्तां
कृ॒णोतु॑ वि॒श्व॒क॒र्मा ॥

नमः॑ पि॒तृ॒भ्यो अ॒भि ये नो॑ अ॒ख्यन्॑ य॒ज्ञकृ॑तो य॒ज्ञका॑माः सु॒दे॒वा
अ॒का॒मा वो॑ दक्षि॒णां न नी॑नि॒म मा न॒स्तस्मा॑दे॒नसः॑ पा॒पयि॑ष्ट ।
याव॑न्तो वै स॒दस्या॑स्ते स॒र्वे दक्षि॑ण्यास्ते॒भ्यो यो दक्षि॑णां न-[] 31

TS 3.2.8.3 - Padam

प्रेति॑ । मुञ्च॑ । स्व॒स्तये॑ । ये । भ॒क्षय॑न्तः । न । वसू॒नि । आ॒नृहुः॑ ॥
या॒न् । अ॒ग्नयः॑ । अ॒न्व॒त॒प्यन्ते॑त्यनु – अ॒त॒प्यन्त॑ । धि॒ष्णि॒याः । इ॒यम् ।
तेषा॑म् । अ॒वया॑ । दु॒रि॒ष्ट्या इति॑ दुः – इ॒ष्ट्यै॑ । स्वि॒ष्टि॒मिति॑
सु – इ॒ष्टिम् । नः॑ । ता॒म् । कृ॒णोतु॑ । वि॒श्व॒क॒र्मेति॑ विश्व॑ – क॒र्मा ॥

नमः । पितृ॑भ्य॒ इति॑ पितृ॑ – भ्यः । अभी॑ति । ये । नः । अख्य॑न् ।
य॒ज्ञकृ॑त॒ इति॑ य॒ज्ञ – कृ॑तः । य॒ज्ञका॑मा॒ इति॑ य॒ज्ञ – का॑माः ।
सु॒दे॒वा इति॑ सु – दे॒वाः । अ॒का॒माः । वः । दक्षि॑णाम् । न । नी॒निम॑ ।
मा । नः । तस्मा॑त् । ए॒नसः॑ । पा॒पयि॑ष्ट ॥ याव॑न्तः । वै । स॒दस्याः॑ ।
ते । सर्वे॑ । दक्षि॑ण्याः । तेभ्यः॑ । यः । दक्षि॑णाम् । न । 31 (50)

TS 3.2.8.4

नये॑दै॒भ्यो वृ॑श्ये॒त यद्-वै॑श्व॒कर्म॑णानि॒ जुहो॑ति॒ स॒दस्या॑ने॒व तत्
प्री॑णात्यस्मे॒ दे॒वासो॑ वपु॒षे चि॑कि॒त्स॒त य॒माशि॑रा द॒म्पती॑ वा॒मम॑श्नु॒तः ।
पु॒मान् पु॒त्रो जा॑यते वि॒न्दते॑ वस्व॒थ विश्वे॑ अ॒रपा॑ ए॒धते॑ गृ॒हः ॥
आ॒शी॒र्दा॒या द॒म्पती॑ वा॒मम॑श्नु॒ताम॑रि॒ष्टो रा॒यः स॒चता॑ समो॒कसा॑ ।
य आ॑सि॒चथ् स॑न्दु॒ग्धं कु॒म्भ्या स॒हेष्टे॑न॒ याम॑न्नम॒तिं जहा॑तु सः ॥

सर्पि॑र्ग्री॒वी – [] 32

TS 3.2.8.4 - Padam

नये॑त् । ए॒ति । ए॒भ्यः । वृ॑श्ये॒त । यत् । वै॑श्व॒कर्म॑णा॒नीति॑
वै॑श्व – क॒र्मणा॑नि । जुहो॑ति । स॒दस्या॑न् । ए॒व । तत् । प्री॑णा॒ति ।

अ॒स्मे इति॑ । दे॒वा॒सः । व॒पु॒षे । चि॒कि॒त्स॒त । यम् । आ॒शि॒रा॑ । दं॒प॒ती॑
इति॑ । वा॒मम् । अ॒श्नु॒तः ॥ पु॒मान् । पु॒त्रः । जा॒य॒ते । वि॒न्द॒ते॑ । व॒सु॑ ।
अथ॑ । वि॒श्वे॑ । अ॒र॒पाः । ए॒ध॒ते॑ । गृ॒हः ॥ आ॒शी॒र्दा॒येत्या॑शीः – दा॒या ।
दं॒प॒ती॑ इति॑ । वा॒मम् । अ॒श्नु॒ताम् । अ॒रि॒ष्टः । रा॒यः । स॒च॒ताम् ।
समो॑क॒सेति॑ सं – ओ॒क॒सा ॥ यः । ए॒ति॑ । अ॒सि॒चत् ।
स॒न्दु॒ग्ध॒मिति॑ सं – दु॒ग्धम् । कु॒म्भ्या॑ । स॒ह । इ॒ष्टेन॑ । या॒मन् ।
अ॒म॒तिम् । ज॒हा॒तु॑ । सः ॥ स॒र्पि॒र्ग्री॒वीति॑ सर्पिः – ग्री॒वी । 32 (50)

TS 3.2.8.5

पी॒व॒र्य॒स्य जा॒या पी॒वा॒नः पु॒त्रा अ॒कृ॒शा॒सो अ॒स्य॑ ।
स॒ह॒जा॒निर्यः॑ सु॒म॒ख॒स्य॒मा॒न इ॒न्द्रा॒याऽऽशि॒रꣳ स॒ह कु॒म्भ्या॑ ऽदा॒त् ॥
आ॒शी॒र्म ऊ॒र्ज॒मु॒त सु॒प्र॒जा॒स्त्व॒मिषं॑ द॒धा॒तु॑ द्र॒वि॒णꣳ स॒व॒र्च॒सं ।
सं॒ज॒यन् क्षे॒त्राणि॑ स॒ह॒साऽह॒मिन्द्र॑ कृ॒ण्वानो॑ अ॒न्याꣳ अ॒ध॒रा॒न्त्स॒प॒त्नान् ॥
भू॒त॒म॒सि भू॒ते मा॑ धा॒ मुख॑म॒सि मुखं॑ भू॒या॒सं द्या॒वापृ॒थि॒वीभ्यां॑
त्वा परि॑ गृ॒ह्णामि॑ वि॒श्वे॑ त्वा दे॒वा वै॒श्वान॒राः – [] 33

TS 3.2.8.5 - Padam

पी॒वरी॑ । अ॒स्य॑ । जा॒या । पी॒वानः॑ । पु॒त्राः । अ॒कृ॒शासः॑ । अ॒स्य॑ ॥
सह॑जा॒निरि॑ति सह – जा॒निः । यः । सु॒म॒ख॒स्य॒मा॒न इति॑
सु – म॒ख॒स्य॒मा॒नः । इन्द्रा॑य । आ॒शि॒रम् । सह॑ । कुं॒भ्या । अ॒दात् ॥
आ॒शी॒रि॒त्या – शीः॑ । मे॒ । ऊ॒र्जम् । उ॒त । सु॒प्र॒जा॒स्त्वमि॑ति
सु॒प्र॒जाः – त्वम् । इ॒षम् । द॒धा॒तु । द्र॒वि॒णम् ।
सर्व॑र्च॒समि॑ति स – वर्च॒सम् ॥ सं॒ज॒य॒न्निति॑ सं – ज॒यन् ।
क्षे॒त्राणि॑ । सह॑सा । अ॒हम् । इन्द्र॑ । कृ॒ण्वानः॑ । अ॒न्यान् । अध॑रान् ।
स॒प॒त्नान् ॥ भू॒तम् । अ॒सि । भू॒ते । मा । धाः । मु॒खम् । अ॒सि ।
मु॒खम् । भू॒या॒सम् । द्या॒वापृ॑थि॒वीभ्या॒मिति॑ द्या॒वा – पृ॑थि॒वीभ्या॒म् ।
त्वा । प॒री॒ति । गृ॒ह्णामि॑ । वि॒श्वे । त्वा । दे॒वाः । वै॒श्वान॒राः । 33 (50)

TS 3.2.8.6

प्र च्या॑वयन्तु दि॒वि दे॒वान् दृ॒हान्त॑रि॒क्षे वया॑सि पृ॒थि॒व्यां पा॒र्थि॒वान्
ध्रु॒वं ध्रु॒वेण॑ ह॒विषा॑ऽव सोमं॑ नयामसि ।
यथा॑ नः सर्व॑मिज्जगद॒यक्ष्म॑ सु॒मना॑ असत् ।

यथा न इन्द्र इद्-विशः केवलीः सर्वाः समनसः करत् ।

यथा नः सर्वा इद्-दिशोऽस्माकं केवलीरसन् ॥ 34

TS 3.2.8.6 - Padam

प्रेति । च्यावयन्तु । दिवि । देवान् । दृ॒ह । अन्तरिक्षे । वया॑सि ।
पृथिव्याम् । पार्थिवान् । ध्रुवम् । ध्रुवेण । हविषा । अवेति ।
सोमम् । नयामसि ॥ यथा । नः । सर्वम् । इत् । जगत् । अयक्ष्मम् ।
सुमना इति सु – मनाः । असत् ॥ यथा । नः । इन्द्रः । इत् ।
विशः । केवलीः । सर्वाः । समनस इति स – मनसः । करत् ॥
यथा । नः । सर्वाः । इत् । दिशः । अस्माकम् । केवलीः ।
असन् ॥ 34 (40) (ए॒न॒सा – वि॒श्वक॒र्मन् – यो दक्षि॑णां न –
स॒र्पिर्ग्री॒वी – वै॒श्वान॒रा – श्र॒त्वारि॑श्च) (A8)

TS 3.2.9.1

यद्-वै होता॑ऽध्व॒र्युम॑भ्याह्वयते वज्रमे॒नम॑भि प्र वर्तयत्युक्थशा इत्याह
प्रा॒तस्स॒वनं॑ प्र॒तिगी॒र्य त्री॒ण्येता॑न्यक्षराणि त्रिपदा गायत्री गायत्रं
प्रा॒तस्स॒वनं॑ गाय॒त्रियै॒व प्रा॒तस्स॒वने॑ वज्रमन्त॒र्धत्त॑ उक्थं वा॒चीत्या॑ह

मा॒द्ध्य॒न्दि॒नः॑ स॒वनं॑ प्र॒तिगी॑र्य च॒त्वार्ये॑ता॒न्यक्ष॑राणि चतु॒ष्पदा॑ त्रि॒ष्टुप्
त्रै॒ष्टुभं॑ मा॒द्ध्य॒न्दि॒नः॑ स॒वनं॑ त्रि॒ष्टुभै॒व मा॒द्ध्य॒न्दि॒ने स॒वने॑
वज्र॑मन्त॒र् धत्त॑-[] 35

TS 3.2.9.1 - Padam

यत् । वै । होता । अ॒ध्व॒र्युम् । अ॒भ्या॒ह्वय॑त इत्य॒भि - आ॒ह्वय॑ते ।
वज्र॑म् । ए॒नम् । अ॒भि । प्रेति॑ । वर्त॑यति । उक्थ॑शा इत्युक्थ॑-शाः ।
इति॑ । आ॒ह । प्रा॒तस्स॒वनमि॑ति प्रा॒तः - स॒वनम् ।
प्र॒तिगी॑र्येति प्र॒ति - गी॑र्य । त्री॑णि । ए॒तानि॑ । अ॒क्षरा॑णि ।
त्रि॒पदे॑ति त्रि - प॒दा । गा॒यत्री । गा॒यत्र॑म् ।
प्रा॒तस्स॒वनमि॑ति प्रा॒तः - स॒वनम् । गा॒यत्रि॒या । ए॒व ।
प्रा॒तस्स॒वन इति॑ प्रा॒तः - स॒वने॑ । वज्र॑म् । अ॒न्तः । ध॒त्ते । उक्थ॑म् ।
वा॒चि । इति॑ । आ॒ह । मा॒द्ध्य॒न्दि॒नम् । स॒वनम् । प्र॒तिगी॑र्येति
प्र॒ति - गी॑र्य । च॒त्वारि॑ । ए॒तानि॑ । अ॒क्षरा॑णि । चतु॒ष्पदे॑ति
चतुः॑ - प॒दा । त्रि॒ष्टुप् । त्रै॒ष्टुभम् । मा॒द्ध्य॒न्दि॒नम् । स॒वनम् ।

त्रि॒ष्टु॒भा॑ । ए॒व । मा॒द्ध्य॒न्दि॒ने॑ । स॒व॒ने॑ । व॒ज्र॒म् ।

अ॒न्तः॑ । ध॒त्ते॑ । 35 (50)

TS 3.2.9.2

उ॒क्थं॑ वा॒ची॒न्द्रा॒येत्या॑ह तृ॒तीय॑स॒व॒नं॑ प्र॒ति॒गी॒र्य॑ स॒प्तै॒तान्य॑क्ष॒राणि॑
स॒प्त॑प॒दा श॒क्व॒री॒ शा॒क्व॒रो॒ व॒ज्रो॒ व॒ज्रे॑णै॒व तृ॒तीय॑स॒व॒ने॑ व॒ज्र॑म॒न्तर् ध॒त्ते॑
ब्र॒ह्म॒वा॒दि॒नो॑ व॒द॒न्ति॒ स त्वा॑ अ॒ध्व॒र्युः॑ स्या॒द्यो य॑थास॒व॒नं॑ प्र॒ति॒ग॒रे
छ॒न्दा॒सि॑ स॒म्पा॒दये॑त् तेजः॑ प्रा॒तः स॒व॒न आ॒त्मन् द॑धी॒तेन्द्रि॑यं
मा॒द्ध्य॒न्दि॒ने॑ स॒व॒ने॑ प॒शूँ॑ स्तृ॒तीय॑स॒व॒न इ॒त्यु॒क्थ॑शा॒ इत्या॑ह
प्रा॒तस्स॒व॒नं॑ प्र॒ति॒गी॒र्य॑ त्री॒ण्ये॒तान्य॑क्ष॒राणि॑ – [] 36

TS 3.2.9.2 - Padam

उ॒क्थ॒म् । वा॒चि॑ । इ॒न्द्रा॒य॑ । इ॒ति॑ । आ॒ह॑ । तृ॒तीय॑स॒व॒न॒मि॒ति॑
तृ॒तीय॑ – स॒व॒न॒म् । प्र॒ति॒गी॒र्ये॒ति॑ प्र॒ति॑ – गी॒र्य॑ । स॒प्त॑ । ए॒तानि॑ ।
अ॒क्ष॒राणि॑ । स॒प्त॑प॒दे॒ति॑ स॒प्त॑ – प॒दा॑ । श॒क्व॒री॑ । शा॒क्व॒रः॑ । व॒ज्रः॑ ।
व॒ज्रे॑ण । ए॒व । तृ॒तीय॑स॒व॒न इ॒ति॑ तृ॒तीय॑ – स॒व॒ने॑ । व॒ज्र॒म् । अ॒न्तः॑ ।
ध॒त्ते॑ । ब्र॒ह्म॒वा॒दि॒न इ॒ति॑ ब्र॒ह्म॑ – वा॒दि॒नः॑ । व॒द॒न्ति॑ । सः॑ । तु॑ । वै॑ ।

अ॒ध्व॒र्युः । स्या॒त् । यः । य॒था॒स॒व॒न॒मि॒ति॒ य॒था – स॒व॒न॒म् ।
प्र॒ति॒ग॒र इति॑ प्र॒ति – ग॒रे । छ॒न्दा॒ꣳसि॑ । संपा॒द॒ये॒दि॒ति॒ सं – पा॒द॒ये॒त् ।
तेजः॑ । प्रा॒त॒स्स॒व॒न इति॑ प्रा॒तः – स॒व॒ने । आ॒त्म॒न् । द॒धी॒त ।
इ॒न्द्रि॒य॒म् । मा॒ध्म॒न्दि॒ने । स॒व॒ने । प॒शून् । तृ॒ती॒य॒स॒व॒न इति॑
तृ॒ती॒य – स॒व॒ने । इति॑ । उ॒क्थ॑शा इत्यु॒क्थ – शाः॑ । इति॑ । आ॒ह ।
प्रा॒त॒स्स॒व॒न॒मि॒ति॒ प्रा॒तः – स॒व॒न॒म् । प्र॒ति॒गी॒र्ये॒ति॒ प्र॒ति – गी॒र्य॑ ।
त्री॒णि । ए॒ता॒नि॑ । अ॒क्ष॒रा॒णि । 36 (50)

TS 3.2.9.3

त्रि॒प॒दा॒ गाय॑त्री गाय॒त्रं प्रा॑त॒स्स॒व॒नं प्रा॑त॒स्स॒व॒न ए॒व प्र॑ति॒ग॒रे
छ॒न्दा॒ꣳसि॑ सं पा॒द॒य॒त्य॒थो ते॒जो वै॑ गाय॒त्री तेजः॑ प्रा॒तः स॒व॒नं तेज॑
ए॒व प्रा॑त॒स्स॒व॒न आ॒त्म॒न् ध॒त्त उ॒क्थं वा॑ची॒त्याह॑ मा॒ध्म॒न्दि॒नꣳ
स॒व॒नं प्र॑ति॒गी॒र्य च॒त्वा॒र्ये॒तान्य॑क्ष॒रा॒णि च॒तु॒ष्प॒दा त्रि॒ष्टुप् त्रै॒ष्टु॒भं
मा॒ध्म॒न्दि॒नꣳ स॒व॒नं मा॒ध्म॒न्दि॒न ए॒व स॒व॒ने प्र॑ति॒ग॒रे छ॒न्दा॒ꣳसि॑
सं पा॒द॒य॒त्य॒थो इ॒न्द्रि॒यं वै त्रि॒ष्टु॒गि॒न्द्रि॒यं मा॒ध्म॒न्दि॒नꣳ स॒व॒न – [] 37

TS 3.2.9.3 - Padam

त्रि॒पदे॑ति॒ त्रि॒ – प॒दा॑ । गाय॑त्री । गाय॑त्रम् । प्रा॒तस्स॒वनमि॑ति॒
प्रा॒तः – स॒वनम् । प्रा॒तस्स॒वन इति॑ प्रा॒तः – स॒वने॑ । ए॒व । प्र॒ति॒गर॑
इति॑ प्र॒ति – ग॒रे । छन्दा॑ꣳसि । समि॑ति । पा॒दय॑ति । अथो॑ इति॑ ।
तेजः॑ । वै । गाय॑त्री । तेजः॑ । प्रा॒तस्स॒वनमि॑ति प्रा॒तः – स॒वनम् ।
तेजः॑ । ए॒व । प्रा॒तस्स॒वन इति॑ प्रा॒तः – स॒वने॑ । आ॒त्मन् । ध॒त्ते ।
उ॒क्थम् । वा॒चि । इति॑ । आ॒ह । मा॒द्ध्य॑न्दि॒नम् । स॒वनम् ।
प्र॒ति॒गीर्ये॑ति॒ प्र॒ति – गी॑र्य । च॒त्वारि॑ । ए॒तानि॑ । अ॒क्षरा॑णि ।
चतु॑ष्पदेति॒ चतुः॑ – प॒दा॑ । त्रि॒ष्टुप् । त्रै॒ष्टुभम् । मा॒द्ध्य॑न्दि॒नम् ।
स॒वनम् । मा॒द्ध्य॑न्दि॒ने । ए॒व । स॒वने॑ । प्र॒ति॒गर॑ इति॑ प्र॒ति – ग॒रे ।
छन्दा॑ꣳसि । समि॑ति । पा॒दय॑ति । अथो॑ इति॑ । इ॒न्द्रि॒यम् । वै ।
त्रि॒ष्टुक् । इ॒न्द्रि॒यम् । मा॒द्ध्य॑न्दि॒नम् । स॒वनम् । 37 (50)

TS 3.2.9.4

–मि॒न्द्रि॒यमे॒व मा॒द्ध्य॑न्दि॒ने स॒वन॑ आ॒त्मन् ध॒त्त उ॒क्थं वा॒चीन्द्रा॑येत्या॒ह
तृ॒तीय॑स॒वनं प्र॒ति॒गीर्य॑ स॒प्तै॒तान्य॑क्ष॒राणि॑ स॒प्त॑प॒दा श॒क्वरी॑ शा॒क्वराः॑

प॒शवो॑ जा॒गतं॑ तृ॒तीयस॑वनं तृ॒तीयस॑वन ए॒व प्र॒तिग॑रे छ॒न्दा॒ꣳसि॑
सं पा॒दय॑त्यथो प॒शवो॑ वै जग॑ती प॒शव॑स्तृ॒तीयस॑वनं प॒शूने॑व
तृ॒तीयस॑वन आ॒त्मन् ध॑त्ते यद्-वै हो॒ताऽ॒ध्व॒र्युम॑भ्याह्वयत
आ॒व्यम॑स्मिन् दधाति तद् यन्ना - [] 38

TS 3.2.9.4 - Padam

इ॒न्द्रि॒यम् । ए॒व । मा॒द्ध्य॑न्दिने । स॒वने॑ । आ॒त्मन् । ध॑त्ते । उ॒क्थ॑म् ।
वा॒चि । इ॒न्द्राय॑ । इति॑ । आ॒ह । तृ॒तीय॑स॒वनमि॑ति तृ॒तीय - स॒वनम् ।
प्र॒तिगी॑र्येति॑ प्र॒ति - गी॑र्य । स॒प्त । ए॒तानि॑ । अ॒क्षरा॑णि ।
स॒प्तप॑देति॑ स॒प्त - प॒दा । श॒क्वरी॑ । श॒क्वराः॑ । प॒शवः॑ । जा॒गतम् ।
तृ॒तीय॑स॒वनमि॑ति तृ॒तीय - स॒वनम् । तृ॒तीय॑स॒वन इति॑
तृ॒तीय - स॒वने॑ । ए॒व । प्र॒तिग॑र इति॑ प्र॒ति - ग॑रे । छ॒न्दा॒ꣳसि॑ ।
समि॑ति । पा॒दय॑ति । अथो॑ इति॑ । प॒शवः॑ । वै । जग॑ती । प॒शवः॑ ।
तृ॒तीय॑स॒वनमि॑ति तृ॒तीय - स॒वनम् । प॒शून् । ए॒व । तृ॒तीय॑स॒वन इति॑
तृ॒तीय - स॒वने॑ । आ॒त्मन् । ध॑त्ते । यत् । वै । हो॒ताऽ॒ध्व॒र्युम् ।

अ॒भ्या॒ह्व॒य॒त॒ इ॒त्य॒भि॒ – आ॒ह्व॒य॒ते॒ । आ॒व्य॒म् । अ॒स्मि॒न् । द॒धा॒ति॒ ।

तत् । यत् । न । 38 (50)

TS 3.2.9.5

प॒ह॒नी॒त॒ पु॒रा॒ऽस्य॑ सँ॒व॒थ्स॒रा॒द् गृ॒ह आ वे॒वी॒र॒ञ्छो॒ऽसा॒ मो॒द इ॒वे॒ति॒
प्र॒त्या॒ह्व॒य॒ते ते॒नै॒व तद॑प॒ ह॒ते यथा॑ वा आ॒य॒तां प्र॒तीक्ष॑त॒ ए॒वम॑द्द्व॒र्युः
प्र॒ति॒गरं॑ प्र॒तीक्ष॑ते॒ यद॑भि॒प्र॒ति॒गृ॒णी॒याद्य॑था॒ ऽऽय॑त॒या स॒मृच्छ॑ते॒ तादृ॑गे॒व
तद्य॑दर्द॒र्धर्चा॑ल्लु॒प्येत॑ यथा॒ धा॒वद्भ्यो॑ ही॒य॒ते तादृ॑गे॒व तत् प्र॒बाहु॑ग्वा
ऋ॒त्वि॒जा॒मु॒द्गी॒था उ॒द्गी॒थ ए॒वो॒द्गा॒तृ॒णा – [] 39

TS 3.2.9.5 - Padam

अ॒प॒ह॒नी॒ते॒त्यप॑ – ह॒नी॒त । पु॒रा । अ॒स्य॑ । सँ॒व॒थ्स॒रा॒दि॒ति॒
सं – व॒थ्स॒रा॒त् । गृ॒हे । ए॒ति॒ । वे॒वी॒र॒न् । शो॒ऽसा॒ । मो॒दः॑ । इ॒व ।
इ॒ति॒ । प्र॒त्या॒ह्व॒य॒त॒ इति॑ प्र॒ति – आ॒ह्व॒य॒ते॒ । ते॒न॑ । ए॒व । तत् । अ॒पे॒ति॒ ।
ह॒ते॒ । यथा॑ । वै । आ॒य॒ता॒मि॒त्या – य॒ता॒म् । प्र॒तीक्ष॑त॒ इति॑
प्र॒ति – ईक्ष॑ते॒ । ए॒वम् । अ॒द्द्व॒र्युः॑ । प्र॒ति॒गर॑मि॒ति॒ प्र॒ति – ग॒रम् ।
प्र॒ती॒ति॒ । ईक्ष॑ते॒ । यत् । अ॒भि॒प्र॒ति॒गृ॒णी॒यादि॒त्य॒भि॒ – प्र॒ति॒गृ॒णी॒यात् ।

यथा । आय॑तयेत्या – य॒तया॑ । समृ॑च्छत॒ इति॑ सं – ऋ॒च्छते॑ ।
तादृ॑क् । ए॒व । तत् । यत् । अ॒र्ध॒र्चा॒दित्य॑र्ध॒-ऋ॒चात् । लु॒प्येत॑ ।
यथा । धा॒वद्भ्य॑ इति॑ धा॒वत् – भ्यः॑ । ही॒यते॑ । तादृ॑क् । ए॒व । तत् ।
प्र॒बाहु॑गिति॑ प्र – बाहु॑क् । वै । ऋ॒त्वि॒जाम् । उ॒द्गी॒था इत्यु॑त्-गी॒थाः ।
उ॒द्गी॒थ इत्यु॑त् – गी॒थः । ए॒व । उ॒द्गा॒तृ॒णामित्यु॑त्-गा॒तृ॒णाम् । 39 (50)

TS 3.2.9.6

–मृ॒चः प्र॒णव॑ उ॒क्थ॑श॒सिनां॑ प्रति॒गरौ॑ऽद॒ध्वर्यू॑णां य॒ एवं वि॒द्वान्
प्रति॒गृ॒णात्य॑न्नाद॒ ए॒व भ॒वत्या॑ऽस्य॒ प्र॒जायां॑ वा॒जी जा॑यत॒ इयं॑ वै
हो॒ताऽसा॑व॒ध्वर्यु॑र् यदा॒सीनः॑ श॒स॒त्यस्या॑ ए॒व तद्धो॑ता नै॒त्यास्त॑ इ॒व
ही॒यम॑थो इ॒मामे॒व तेन॑ यज॒मानो॑ दु॒हे यत् तिष्ठ॑न् प्रति॒गृ॒णात्य॑मु॒ष्या
ए॒व तद॑ध्व॒र्युर्नै॒ति – [] 40

TS 3.2.9.6 - Padam

ऋ॒चः । प्र॒णव॑ इति॑ प्र – न॒वः ।
उ॒क्थ॑श॒सिना॑मित्यु॒क्थ – श॒सिना॑म् । प्र॒ति॒गर॑ इति॑ प्रति – ग॒रः ।
अ॒ध्वर्यू॑णाम् । यः । ए॒वम् । वि॒द्वान् । प्र॒ति॒गृ॒णाती॑ति॒ प्रति॑-गृ॒णाति॑ ।

अ॒न्नाद॒ इत्य॒न्न – अ॒दः । ए॒व । भ॒व॒ति॒ । ए॒ति॒ । अ॒स्य॒ । प्र॒जा॒या॒मि॒ति॒
 प्र – जा॒या॒म् । वा॒जी । जा॒य॒ते॒ । इ॒य॒म् । वै । हो॒ता॒ । अ॒सौ ।
 अ॒ध्व॒र्युः॑ । यत् । आ॒सी॒नः॑ । श॒ञ्स॒ति॒ । अ॒स्याः॑ । ए॒व । तत् ।
 हो॒ता॒ । न । ए॒ति॒ । आ॒स्ते॑ । इ॒व । हि । इ॒य॒म् । अ॒थो इ॒ति॒ । इ॒मा॒म् ।
 ए॒व । ते॒न॑ । य॒ज॒मा॒नः॑ । दु॒हे॒ । यत् । ति॒ष्ठ॒न् । प्र॒ति॒गृ॒णा॒ती॒ति॒
 प्र॒ति – गृ॒णा॒ति॒ । अ॒मु॒ष्याः॑ । ए॒व । तत् । अ॒ध्व॒र्युः॑ । न ।

ए॒ति॒ । 40 (50)

TS 3.2.9.7

ति॒ष्ठ॒ती॒व॒ ह्य॒सा॒व॒थो॑ अ॒मू॒मे॒व॒ ते॒न॑ य॒ज॒मा॒नो॑ दु॒हे॒ य॒दा॒सी॒नः॑ श॒ञ्स॒ति॒
 तस्मा॑दि॒तः॒प्र॒दा॒नं॑ दे॒वा उप॑ जी॒व॒न्ति॒ यत् ति॒ष्ठ॒न् प्र॒ति॒गृ॒णा॒ति॒
 तस्मा॑द॒मु॒तः॒प्र॒दा॒नं॑ म॒नु॒ष्या॑ उप॑ जी॒व॒न्ति॒ यत् प्रा॒डा॒सी॒नः॑ श॒ञ्स॒ति॒
 प्र॒त्य॒ङ् ति॒ष्ठ॒न् प्र॒ति॒गृ॒णा॒ति॒ तस्मा॑त् प्रा॒ची॒नञ् रे॒तो धी॑य॒ते प्र॒ती॒चीः॑
 प्र॒जा जा॑य॒न्ते॒ यद्वै॑ हो॒ताऽध्व॑र्युम॒भ्याह्व॑य॒ते व॒ज्र॑मे॒नम॒भि प्र॑ वर्तय॒ति॒
 () प॒रा॒डा॒ वर्त॑ते॒ व॒ज्र॑मे॒व त॒न्नि॑ करोति ॥ 41

TS 3.2.9.7 - Padam

तिष्ठति॑ । इ॒व । हि॒ । अ॒सौ । अथो॑ इति॑ । अ॒मू॒म् । ए॒व । तेन॑ ।
यज॑मानः । दु॒हे । यत् । आसी॑नः । श॒ञ्सति॑ । तस्मा॑त् ।
इतः॑ प्र॒दानमिती॑तः – प्र॒दान॒म् । दे॒वाः । उपेति॑ । जी॒वन्ति॑ । यत् ।
तिष्ठन् । प्र॒तिगृ॑णातीति॑ प्रति – गृ॒णाति॑ । तस्मा॑त् ।
अ॒मु॒तः प्र॒दानमि॒त्यमु॒तः – प्र॒दान॒म् । म॒नुष्याः॑ । उपेति॑ । जी॒वन्ति॑ ।
यत् । प्राङ् । आसी॑नः । श॒ञ्सति॑ । प्र॒त्यङ् । तिष्ठन् । प्र॒तिगृ॑णातीति॑
प्रति – गृ॒णाति॑ । तस्मा॑त् । प्रा॒चीन॑म् । रे॒तः । धी॒यते॑ । प्र॒तीचीः॑ ।
प्र॒जा इति॑ प्र – जाः । जा॒यन्ते॑ । यत् । वै । हो॒ता । अ॒ध्व॒र्यु॒म् ।
अ॒भ्या॒ह्वय॑त इत्य॑भि – आ॒ह्वय॑ते । वज्र॑म् । ए॒न॒म् । अ॒भि । प्रेति॑ ।
व॒र्तय॑ति () । प॒राङ् । ए॒ति । व॒र्तते॑ । वज्र॑म् । ए॒व । तत् । नी॒ति ।

करोति॑ ॥ 41 (58)

(सर्व॑ने वज्र॑मन्तर्ध॑त्ते – त्री॑ण्येतान्य॑क्षरा॑णी – द्धि॒यं मा॒ध्य॒न्दि॒नञ्
सर्व॑नं – नो – द्रा॒तृणा॑ – म॒ध्व॒र्यु॒र्नैति॑ – व॒र्तय॑त्य – षौ च) (A9)

TS 3.2.10.1

उ॒प॒या॒म॒गृ॒ही॒तो॒ऽसि॑ वा॒क्ष॒स॒द॒सि॑ वा॒क्पा॒भ्यां॑ त्वा क्र॒तु॒पा॒भ्या॒म॒स्य॑
य॒ज्ञ॒स्य॑ ध्रु॒व॒स्या॒ऽद्ध्य॑-क्षा॒भ्यां॑ गृ॒ह्णाम्यु॒प॒या॒म॒गृ॒ही॒तो॒ऽस्य॑ त॒स॒द॒सि॑
चक्षु॒ष्पा॒भ्यां॑ त्वा क्र॒तु॒पा॒भ्या॒म॒स्य॑ य॒ज्ञ॒स्य॑ ध्रु॒व॒स्या॒ऽद्ध्य॑क्षा॒भ्यां॑
गृ॒ह्णाम्यु॒प॒या॒म॒गृ॒ही॒तो॒ऽसि॑ श्रु॒त॒स॒द॒सि॑ श्रो॒त्र॒पा॒भ्यां॑ त्वा क्र॒तु॒पा॒भ्या॒म॒स्य॑
य॒ज्ञ॒स्य॑ ध्रु॒व॒स्या॒ऽद्ध्य॑क्षा॒भ्यां॑ गृ॒ह्णामि॑ दे॒वे॒भ्य॒स्त्वा॑ वि॒श्व॒दे॒वे॒भ्य॒स्त्वा॑
वि॒श्वे॒भ्य॒स्त्वा॑ दे॒वे॒भ्यो॑ वि॒ष्ण॒वु॒रु॒क्र॒मै॒ष॒ ते॒ सो॒म॒स्त॒ꣳ

रक्ष॒स्व - [] 42

TS 3.2.10.1 - Padam

उ॒प॒या॒म॒गृ॒ही॒त॒ इत्यु॒प॒या॒म॒ - गृ॒ही॒तः॑ । अ॒सि॒ । वा॒क्ष॒स॒दि॒ति॑
वा॒क्ष॒ - स॒त् । अ॒सि॒ । वा॒क्पा॒भ्या॒मि॒ति॑ वाक् - पा॒भ्या॒म् । त्वा ।
क्र॒तु॒पा॒भ्या॒मि॒ति॑ क्र॒तु॒ - पा॒भ्या॒म् । अ॒स्य॑ । य॒ज्ञ॒स्य॑ । ध्रु॒व॒स्य॑ ।
अ॒द्ध्य॑क्षा॒भ्या॒मि॒त्य॒धि॑ - अ॒क्षा॒भ्या॒म् । गृ॒ह्णामि॑ । उ॒प॒या॒म॒गृ॒ही॒त॒
इत्यु॒प॒या॒म॒ - गृ॒ही॒तः॑ । अ॒सि॒ । ऋ॒त॒स॒दि॒त्य॒त॒ - स॒त् । अ॒सि॒ ।

चक्षु॑ष्पाभ्या॒मिति॑ चक्षुः॑ – पा॒भ्याम् । त्वा । क्र॒तुपा॒भ्यामिति॑
क्र॒तु – पा॒भ्याम् । अ॒स्य । य॒ज्ञस्य॑ । ध्रु॒वस्य॑ ।
अ॒द्ध्यक्षा॑भ्या॒मित्यधि॑ – अ॒क्षाभ्या॒म् । गृ॒ह्णामि॑ । उ॒पया॒मगृ॒हीत॑
इ॒त्युप॒याम॑ – गृ॒हीतः॑ । अ॒सि । श्रु॒तस॒दिति॑ श्रु॒त – सत् । अ॒सि ।
श्रो॒त्रपा॒भ्यामिति॑ श्रो॒त्र – पा॒भ्याम् । त्वा । क्र॒तुपा॒भ्यामिति॑
क्र॒तु – पा॒भ्याम् । अ॒स्य । य॒ज्ञस्य॑ । ध्रु॒वस्य॑ ।
अ॒द्ध्यक्षा॑भ्या॒मित्यधि॑ – अ॒क्षाभ्या॒म् । गृ॒ह्णामि॑ । दे॒वेभ्यः॑ । त्वा ।
वि॒श्वदे॒वेभ्य॑ इति॑ वि॒श्व-दे॒वेभ्यः॑ । त्वा । वि॒श्वेभ्यः॑ । त्वा । दे॒वेभ्यः॑ ।
वि॒ष्णो॑ । उ॒रुक्र॑मे॒त्युरु॑ – क्र॒म । ए॒षः । ते । सोमः॑ । तम् ।

रक्ष॑स्व । 42 (50)

TS 3.2.10.2

तं ते॑ दु॒श्चक्षा॑ मा॒ऽव ख्य॑न्मयि॒ वसुः॑ पु॒रोव॒सुर्वा॒क्पा वाचं॑ मे पा॒हि
मयि॑ व॒सुर्वि॒दद्व॑सुश्चक्षु॑ष्पाश्चक्षु॑र् मे पा॒हि मयि॑ व॒सुः सँय॑द्वसुः
श्रो॒त्रपाः॑ श्रो॒त्रं मे पा॒हि भू॑रसि॒ श्रेष्ठो॑ र॒श्मीनां॑ प्रा॒णपाः॑ प्रा॒णं
मे पा॒हि धू॑रसि॒ श्रेष्ठो॑ र॒श्मीना॑मपा॒नपा॑ अ॒पानं॑ मे पा॒हि यो न॑ इन्द्र॒वायू॑

मित्रावरुणा-वश्विनावभिदासति भ्रातृव्य () उत्पिपीते शुभस्पती
इदमहं तमधरं पादयामि यथेन्द्राऽहमुत्तमश्चेतयानि ॥ 43

TS 3.2.10.2 - Padam

तम् । ते । दुश्चक्षा इति दुः – चक्षाः । मा । अवेति । ख्यत् । मयि ।
वसुः । पुरोवसुरिति पुरः – वसुः । वाक्पा इति वाक् – पाः ।
वाचम् । मे । पाहि । मयि । वसुः । विदद्वसुरिति विदत् – वसुः ।
चक्षुष्पा इति चक्षुः – पाः । चक्षुः । मे । पाहि । मयि । वसुः ।
सँयद्वसुरिति सँयत् – वसुः । श्रोत्रपा इति श्रोत्र-पाः । श्रोत्रम् ।
मे । पाहि । भूः । असि । श्रेष्ठः । रश्मीनाम् । प्राणपा इति
प्राण – पाः । प्राणमिति प्र- अनम् । मे । पाहि । धूः । असि ।
श्रेष्ठः । रश्मीनाम् । अपानपा इत्यपान – पाः ।
अपानमित्यप – अनम् । मे । पाहि । यः । नः । इन्द्रवायू
इतीन्द्र – वायू । मित्रावरुणाविति मित्रा – वरुणौ । अश्विनौ ।
अभिदासतीत्यभि – दासति । भ्रातृव्यः () । उत्पिपीत
इत्युत् – पिपीते । शुभः । पती इति । इदम् । अहम् । तम् ।

अ॒ध॒र॒म् । पा॒द॒या॒मि॒ । य॒था । इ॒न्द्र॒ । अ॒ह॒म् । उ॒त्त॒म॒ इ॒त्यु॒त् – त॒मः॒ ।

चे॒त॒या॒नि ॥ 43 (63) (र॒क्ष॒स्व – भ्रा॒तृ॒व्य – स्त्र॒यो॒द॒श च) (A10)

TS 3.2.11.1

प्र॒ सो अ॒ग्ने॒ तवो॒ति॒भिः॑ सु॒वी॒रा॒भि॒स्तर॒ति॒ वा॒ज॒क॒र्म॒भिः॑ ।

य॒स्य॒ त्व॒ꣳ स॒ख्य॒मा॒वि॒थ ॥

प्र॒ हो॒त्रे॒ पू॒र्व्यं॑ व॒चो॒ऽग्न॒ये॒ भर॒ता॒ बृ॒हत् ।

वि॒पां ज्यो॒ती॒ꣳषि॑ बि॒भ्र॒ते॒ न वे॒ध॒स॑ ॥

अ॒ग्ने॒ त्री॒ ते॒ वा॒जि॒ना॒ त्री॒ ष॒ध॒स्था॑ ति॒स्र॒स्ते॒ जि॒ह्वा॒ ऋ॒त॒जा॒त॒ पू॒र्वीः॑ ।

ति॒स्र उ॒ ते॒ त॒नु॒वो॒ दे॒व॒वा॒ता॒स्ता॒भिर्नः॑ पा॒हि॒ गि॒रो॒ अ॒प्र॒यु॒च्छन् ॥

सं॑ वाम् क॒र्म॒णा॒ समि॒षा – [] 44

TS 3.2.11.1 - Padam

प्रे॒ति॒ । सः॑ । अ॒ग्ने॒ । तव॑ । ऊ॒ति॒भि॒रि॒त्यू॒ति – भिः॑ । सु॒वी॒रा॒भि॒रि॒ति॒

सु – वी॒रा॒भिः॑ । तर॒ति॒ । वा॒ज॒क॒र्म॒भि॒रि॒ति॒ वा॒ज॒क॒र्म – भिः॑ ॥ य॒स्य॑ ।

त्व॒म् । स॒ख्य॒म् । आ॒वि॒थ ॥ प्रे॒ति॒ । हो॒त्रे॒ । पू॒र्व्य॒म् । व॒चः॑ । अ॒ग्न॒ये॒ ।

भर॒त॒ । बृ॒हत् ॥ वि॒पा॒मि॒ति॒ वि – पा॒म् । ज्यो॒ती॒ꣳषि॑ । बि॒भ्र॒ते॒ । न ।

वे॒ध॒स॑ ॥ अ॒ग्ने॒ । त्री॒ । ते॒ । वा॒जि॒ना॒ । त्री॒ । स॒ध॒स्थे॒ति॒ स॒ध – स्था॑ ।

ति॒स्रः । ते । जि॒ह्वाः । ऋ॒त॒जा॒तेत्यृ॒त – जा॒त । पू॒र्वीः ॥ ति॒स्रः । उ ।
ते । त॒नुवः । दे॒ववा॒ता इति॑ दे॒व – वा॒ताः । ता॒भिः । नः । पा॒हि ।
गि॒रः । अ॒प्रयु॑च्छन्नि॒त्यप्र॑ – यु॒च्छन् ॥ स॒मि॒ति । वा॒म् । क॒र्मणा॑ ।
स॒मि॒ति । इ॒षा । 44 (50)

TS 3.2.11.2

हि॒नोमी॑न्द्रा॒विष्णू॑ अ॒प॒स॒स्पारे॑ अ॒स्य ।
जु॒षेथां॑ य॒ज्ञं द्र॑वि॒णं च॑ ध॒त्तम॑रि॒ष्टैर्नः॑ प॒थिभिः॑ पा॒रय॑न्ता ॥
उ॒भा जि॑ग्यथु॒र्न परा॑ जयेथे न परा जिग्ये क॒तरश्च॑नै॒नौः ।
इन्द्र॑श्च वि॒ष्णो यद॑प॒स्पृधे॑थां त्रे॒धा स॒हस्रं॑ वि॒ तदै॑रयेथां ॥
त्री॒ण्यायू॑षि॒ तव॑ जा॒तवे॑दस्ति॒स्र आ॒जानी॑रुष॒सस्ते॑ अ॒ग्ने ।
ता॒भिर्दे॒वाना॑मवो यक्षि वि॒द्वान॑था – [] 45

TS 3.2.11.2 - Padam

हि॒नोमि॑ । इन्द्रा॒विष्णू॑ इतीन्द्रा – वि॒ष्णू । अ॒प॒सः । पा॒रे । अ॒स्य ॥
जु॒षेथा॑म् । य॒ज्ञम् । द्र॑वि॒णम् । च॑ । ध॒त्तम् । अ॒रि॒ष्टैः । नः ।
प॒थिभि॑रिति प॒थि-भिः॑ । पा॒रय॑न्ता ॥ उ॒भा । जि॑ग्यथुः । न । प॒रेति॑ ।

ज॒ये॒थे इति॑ । न । प॒रेति॑ । जि॒ग्ये । क॒तरः । च॒न । ए॒नोः ॥ इन्द्रः॑ ।
च । वि॒ष्णो इति॑ । यत् । अ॒प॒स्पृ॒धे॒थाम् । त्रे॒धा । स॒ह॒स्रम् । वी॒ति ।
तत् । ऐ॒र॒ये॒थाम् ॥ त्री॒णि । आ॒यू॒षि । तव॑ । जा॒त॒वे॒द इति॑
जा॒त – वे॒दः । ति॒स्रः । आ॒जा॒नी॒रि॒त्या – जा॒नीः । उ॒ष॒सः । ते ।
अ॒ग्ने । ता॒भिः ॥ दे॒वा॒नाम् । अ॒वः । य॒क्षि । वि॒द्वान् । अथ॑ । 45 (50)

TS 3.2.11.3

भव॑ यज॒मा॒नाय॑ शँ॒ योः ॥

अ॒ग्नि॒स्त्री॒णि त्रि॒धा॒तू॒न्या क्षे॑ति वि॒दथा॑ क॒विः ।

स त्री॑र्॒रे॒का॒द॒शा॒ इ॒ह ॥

य॒क्ष॒च्च पि॒प्र॒य॒च्च नो॑ वि॒प्रो दू॒तः परि॑ष्कृतः ।

न॒भ॒न्ता॒म॒न्य॒के स॒मे ॥

इन्द्रा॑वि॒ष्णू दृ॒हि॒ताः श॒म्बर॑स्य न॒व पु॒रो न॒वतिं॑ च – श॒ज॒थि॒ष्टं ।

श॒तं व॑र्चि॒नः स॒ह॒स्रं च॑ सा॒क॒ ह॒थो अ॒प्र॒त्य॒सुर॑स्य वी॒रान् ॥

उ॒त मा॒ता म॒हि॒ष म॒न्व॒वे॒न॒द॒मी त्वा () ज॒ह॒ति पु॒त्र दे॒वाः ।

अथा॑ब्रवीद् – वृ॒त्र॒मिन्द्रो॑ ह॒नि॒ष्यन्थ् – स॒खे वि॒ष्णो वि॒तरं॑ वि॒ क्र॒म॒स्व ॥ 46

TS 3.2.11.3 - Padam

भव॑ । यज॑मानाय । श॑म् । योः ॥ अ॒ग्निः । त्री॑णि । त्रि॒धातू॑नीति॑
त्रि – धातू॑नि । ए॒ति । क्षे॒ति । वि॒दथा॑ । क॒विः ॥ सः । त्रीन् ।
एका॒दशान् । इ॒ह ॥ यक्ष॑त् । च । पि॒प्रय॑त् । च । नः । वि॒प्रः ।
दू॒तः । परि॑ष्कृतः ॥ नभ॑न्ताम् । अ॒न्यके॑ । स॒मे ॥ इन्द्रा॑विष्णू
इतीन्द्रा॑-विष्णू । दृ॒हि॒ताः । शं॒बर॑स्य । न॒व । पु॒रः । न॒वति॑म् । च ।
श्ज॒थि॒ष्टम् ॥ श॒तम् । वर्चि॑नः । स॒हस्र॑म् । च । सा॒कम् । ह॒थः ।
अ॒प्रति॑ । अ॒सुर॑स्य । वी॒रान् ॥ उ॒त । मा॒ता । म॒हिष॑म् । अ॒न्विति॑ ।
अ॒वेन॑त् । अ॒मी इति॑ । त्वा () । ज॒हति॑ । पु॒त्र । दे॒वाः ॥ अथ॑ ।
अ॒ब्रवी॑त् । वृ॒त्रम् । इन्द्रः॑ । ह॒निष्य॑न् । स॒खे । वि॒ष्णो इति॑ ।
वि॒तर॑मिति॑ वि – त॒रम् । वी॒ति । क्र॒मस्व ॥ 46 (63)

(इ॒षा – ऽथ॑ – त्वा – त्रयो॑दश च) (A11)

पद पाठे (वाक्य सहित) – तृतीयकाण्डे – द्वितीयः प्रश्नः

Prasna Korvai with starting Padams of 1 to 11 Anuvaakams :-

(यो वै पवमानानां – त्रीणि – परिभूः – स्प्यः स्वस्तिर् – भक्षेहि
– महीनां पयोऽसि – देव सवितरेतत्ते – श्येनाय – यद्वै होतो –
पयामगृहीतोऽसि वाक्षसत् – प्र सो अग्न – एकादश)

Korvai with starting Padams of 1, 11, 21 Series of Panchaatis :-

(यो वै – स्प्यः स्वस्तिः – स्वधायै नमः – प्रमुञ्च – तिष्ठतीव –
षट्चत्वारिंशत्)

First and Last Padam of Second Prasnam of Kandam 3:-

(यो वै पवमानानां – विक्रमस्व)

॥ हरिः ओं ॥

॥ कृष्ण यजुर्वेदीय तैत्तिरीय संहितायां पद पाठे

तृतीयकाण्डे द्वितीयः प्रश्नः समाप्तः ॥

Details of Panchati and Padam for Kandam 3 , Prasanam 2 – (TS 3.2)

	Panchati	Padams
Anuvakam 1	3	142
Anuvakam 2	3	153
Anuvakam 3	4	195
Anuvakam 4	5	233
Anuvakam 5	7	344
Anuvakam 6	3	172
Anuvakam 7	3	172
Anuvakam 8	6	290
Anuvakam 9	7	358
Anuvakam 10	2	113
Anuvakam 11	3	163
Total →	46	2335

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in